


690/4236(3)

CHINESE - JAPANESE LIBRARY of  
YENCHING INSTITUTE  
HARVARD - YENCHING INSTITUTE  
AT HARVARD UNIVERSITY  
JUN 17 1953





春秋胡傳卷之十四

魯文公上

公名興僖公子母聲姜諡曰文惠愛民曰文忠信接禮曰文



周

襄王二十六年魯文公八年襄王崩子頃王立文十四年頃王崩子匡王立

鄭

穆公二年

齊

昭公七年魯文公十四年昭公卒子舍立九月舍弑懿公商人立文十八年懿公弑惠公

元

宋

成公十一年魯文公七年成公卒昭公

晉

杵臼立文十六年昭公弑弟文公鮑立襄公繼霸二年魯文公六年襄公卒子靈公夷皋立是年趙盾為政

衛

成公九年

**蔡**

莊公十九年魯文公十五年  
年莊公卒子文侯申立

**曹**

共公二十七年魯文公九年  
年共公卒子文公壽立

**滕**

詳見隱公元年魯文公  
十二年滕昭公來朝

**陳**

共公六年魯文公十三年  
共公卒子靈公平國立

**杞**

詳見僖  
公元年

**薛**

詳見隱公元年  
及僖公元年

**莒**

魯文公十八年莒太子僕  
弑紀公庶其子季佗立

**邾**

文公四十一年魯文公十三  
年邾文公卒子定公覆且立

**許**

僖公二十九年魯文公五  
年僖公卒昭公錫我立

**小邾**

詳見僖  
公元年

**楚**

成王四十七年魯文公元年冬遇弑于穆王  
商臣立文十年次於厥貉文十三年穆王卒  
子蔣王立楚

莊王爭霸

**秦**

穆公三十四年秦用孟明以為政魯文公  
二年秦伯伐晉濟河焚舟遂霸西戎史記穆  
公三十七年益國十二開地千里天子使召

公過賀穆公以金鼓文六年穆公卒子康公  
營立文十八年康  
公卒子共公緡立

**吳**

詳見隱  
公元年

**越**

詳見隱  
公元年

**乙未**

襄王二十  
六年

**元年**

管襄二年齊昭七年衛成九年蔡  
莊二十年鄭穆二年曹共二十七

年陳共六年(紀)桓十一年(宋)成十一年(塞)穆三十四年(楚)成四十六年(弒)

### 春王正月公即位

即位者告廟臨群臣也國君嗣世定於初喪必逾年然後改元書即位者緣始終之義一年不二君緣民臣之心不可曠年無君按書載舜禹受終傳位之事在舜則曰日月正元日格於文祖在禹則曰正月朔旦受命於神宗率百官若帝之初夫于文祖神宗則告廟也率百官若帝之初則臨群臣也自古通葬三年其以凶服則不可入宗廟其以吉服則斬焉在衰經之中不可既成而又易之也如之何而可子張問於孔子高宗諒陰三年不言何謂也子曰何必高宗古之人皆然君薨百官總己以聽於冢宰三年則告廟臨群臣固有攝行之禮矣按周書稱太甲元年伊尹祠于先王則攝而告廟之證也百官總己以聽

扶

哀七  
雷反

見音

冢宰則攝而臨群臣之證也其曰祗見厥祖者言伊尹以奉嗣王之事祗見太甲之祖也至三祀十有二月伊尹以冕服奉嗣王則免喪從吉之證也然顧命康誥記成王之崩其君臣皆冕服何也當是時成王方崩就殯猶未成服故用麻冕黼裳入受顧命已受命誥諸侯而後釋冕反喪服者於是成服而宅憂也或以為康王釋服離次而即吉則誤矣

### 二月癸亥日有食之音註

不書朔官失之

### 天王使叔服來會葬音註

叔氏服字諸侯喪天子使大夫會葬禮也

凡崩薨卒葬人道始終之大變也不以得禮為常事而不書其或失禮而害於王法之甚者聖人則有削而不存以示義者矣

### 夏四月丁巳葬我君僖公

見音 現朝 音潮 臨音 概不 音盧 與乘 子音 上声 形音 同起 音昭

天王使毛伯來錫公命音註毛伯毛國伯爵諸侯為王卿士者。

自隱至文六若惟桓文書即位而後書錫命以其自即位也

諸侯終喪人見則有錫歲時來朝則有錫能敵王所愾則有錫鞶冕圭璧因其終喪入見

而錫之者也禮所謂喪畢以十服見天子已見賜之鞶冕圭璧然後歸是已車馬衮黻因

其歲時來朝而錫之者也詩所謂君子來朝何錫予之雖無予之路車乘馬又何予之玄

衮及黼是已彤弓茲矢因其敵愾獻功而錫之者也詩所謂彤弓昭兮受言藏之我有嘉

賓中心貺之鍾鼓既設一朝享之是已今文公繼世喪制未畢非初見繼朝而獻功也何

為來錫命乎故穀梁子曰禮有受命無來錫命來錫命非正也

晉侯伐衛音註盧

叔孫得臣如京師音註叔孫得臣叔牙之孫

衛人伐晉

秋公孫敖會晉侯于戚音註戚衛邑○此大夫專會諸侯之始

冬十月丁未楚世子商臣弑其君頹音註商臣弑成

王而代立是為穆王頹丘倫反

書世子弑君者有父之親有君之尊而至於弑逆此天理大變人情所深駭春秋詳書其事欲以起問者察所由示懲戒也唐世子弘

受左氏春秋至此廢書嘆曰經籍聖人垂訓何書此耶郭喻對曰春秋義存褒貶以善惡

為勸戒故商臣千載而惡名不滅弘曰非惟口不可道故亦耳不忍聞願受他書喻請讀

禮世子從之嗚呼聖人大訓不明於後世皆

疾天音

塞永則反

傳去 声析 丁亂 反長 上聲 少去 聲 聲 之忍 反解 之聲

腐儒學經不知其義者之罪耳夫亂臣賊子雖陷穿在前斧鉞加於頸而不避顧謂身後惡名足以繫其邪志而懲於為惡豈不謬哉持此曉人可謂茅塞其心意矣若語之曰為人君父而不通於春秋之義者必蒙首惡之名為人臣子而不通於春秋之義者必陷篡弑誅死之罪聖人書此者使天下後世察於人倫知所以為君臣父子之道而免於首惡之名誅死之罪也則世子弘而聞此必將懍然畏懼知春秋之不可不學矣學於春秋必明臣子之義不至於奏請佛旨而見醜矣傳者案也經者斷也考於傳之所載可以見其所由致之漸豈隱乎嫡妾必正而楚子多受立一必長而楚國之舉常在少者養世子不可不慎也而以潘崇為之師待膳問安世子職也而多置官甲降而不憾憾而能矜者鮮矣乃欲黜兄而立其弟謀及婦人宜其敗也而使江芊知其情足以不仁處其身而以不

聲上

孝處其子也其及宜矣楚顧僭王憑陵中國戰勝諸侯毒被天下然昧於君臣父子之道禍發蕭牆而不之覺也不善之積豈可揜哉君不君則臣不臣父不父則子不子春秋書世子弑其君者推本所由而著其首惡為萬世之太戒也然則商臣無貶矣曰弑父與君之賊其惡猶待音註世子弘見唐孝敬皇帝於貶而後著乎音註弘傳穿才性反獲音聳悚同音

### 公孫敖如齊

丙申

襄王二十二年 晉襄三齊昭八衛成十蔡莊二十

十七年 鄭穆三曹共二十八陳共七杞桓十二宋成十二秦穆二十五楚穆王商臣元年

春王二月甲子晉侯及秦師戰于彭衙秦師敗

績音註

彭衙秦地

戰而言及者主乎是戰者也夫敵加於已不  
得已而起者謂之應兵爭恨小故不忍忿怒  
者謂之忿兵按左氏秦孟明帥師伐晉報殺  
之役此所謂忿兵疑罪之在秦也而以晉侯  
主之何哉處已息爭之道遠怨之方也然則  
敵加於已縱其侵暴將不得應乎曰敵加於  
已而已有罪焉引咎責躬服其罪則可矣已  
則無罪而不義見加諭之以辭命猶不得免  
焉亦告於天子方伯可也若遽然興師而與  
戰是謂以桀攻桀何愈乎故以晉侯為主者  
處已息爭之道寡怨  
之方王者之事也

遠去聲

丁丑作僖公主

期音基

作主者造本主也既葬而反虞虞主用桑期  
年而練祭練主用栗用栗者藏主也何以書

天音疾

僖公薨至是十有五月然後作主慢而不敬  
甚矣夫慢而不敬積惡之原也以爲無傷而  
不去至於惡積而不  
可揜所以謹之也

三月乙巳及晉處父盟

音註

處父姓物爲晉世卿也朝而盟始此

及處父盟者公也其不地於晉也諱不書公  
者抑大夫之抗不使與公爲敵正君臣之分  
也適晉不書及國不致爲公諱耻存臣子  
之禮也凡此類筆削魯史之舊文衆矣

分爲並去聲

夏六月公孫敖會宋公陳侯鄭伯晉士穀盟于

垂隴音註

垂隴鄭地○晉遂以大夫盟諸侯也大夫而與諸侯敵於是始是故書士

穀而後凡役書大夫

自十有二月不雨至于秋七月

見音  
現樂  
音洛

大音  
泰分  
去聲  
先去  
聲下  
同

夫音  
扶傳  
去聲

復扶  
又及

夫音  
扶

書不雨至于秋七月而不日至于秋七月不  
雨者蓋後言不雨則是冀雨之辭非文公之  
意也夫書不雨至于秋七月而止即八月嘗  
雨矣然而不書八月雨者見文公之無意於  
雨不以民事繫憂樂也其怠於  
政事可知而魯衰自此始矣

### 八月丁卯大事于大廟躋僖公音註

躋牋西  
奕邦也

有事者時祭大事裕也合群廟之主食於大  
廟升僖於閔之上也閔僖二公親則兄弟分  
則君臣以為逆祀者兄弟之不先君臣禮也  
君子不以親親害尊尊故左氏則曰祀國之  
大事而逆之可乎子雖齊聖不先父食久矣  
公羊則曰其逆祀先禰而後祖也穀梁則曰  
逆祀則是無昭穆也無昭穆則是無祖也閔  
僖非祖禰而謂之祖禰者何臣于一例也夫  
有天下者事七世諸侯五世說禮者在世指  
父子非兄弟也然三傳同以閔公為禰而臣

子一例是以僖公父視閔公為禮而父死  
子繼兄亡弟及名號雖不同其為世一矣

### 冬晉人宋人陳人鄭人伐秦

按左氏四國伐秦報彭衙之役則皆國卿也  
其貶而稱人者晉人再勝秦師在常情亦可  
以已矣而復興此役結怨勤民是全不務德  
專為力爭而報復之無已也以至濟河焚舟  
之師故特  
貶而稱人

### 公子遂如齊納幣

婚姻常事不書其書納幣者喪未終而圖婚  
也夫娶在三年之外矣則何譏乎春秋論事  
莫重乎志志敬而節且與之知禮志和而音  
雅與之知樂志哀而居約與之知喪非虛加  
之也重志之謂也此皆使人  
私欲不行閑邪復禮之意



丁酉

襄王二十三年晉襄四齊昭九衛成十一蔡莊二  
把桓十三宋成十三  
秦穆三十六楚穆二

春王正月叔孫得臣會晉人宋人成陳人其衛

人成鄭人穆伐沈沈潰音沈潰音沈潰音沈潰音

按左氏伐沈以其服於楚也沈潰民逃其上  
也五國皆稱人將非命卿也沈在汝南平輿  
縣北未嘗與中國會盟而南服於楚師人其  
境而人民逃散雖非義舉比於報復私怨之  
兵則有間矣故其辭無褒貶凡此類欲  
示後世用師者知權而本之以正也

將去  
聲

夏五月王子虎卒音註王子虎王

稱去  
聲使  
士聲  
夫音  
扶下  
同惡  
去聲

王子虎不書爵譏之也天子內臣無外交或  
曰禮稱情而為之節文者也叔服新使乎我  
則宜有恩禮矣仲尼脫駟於舊館雖卒叔服  
可也夫脫駟於舊館惡夫涕之無從而為之  
者非理之經也天子內臣無外交而以新使  
乎我致恩禮焉是以私情害公義失輕重之  
權音註駟音

秦人伐晉音註濟河焚舟晉人不出

按左氏秦伯伐晉濟河焚舟封殺尸而還其  
稱人何也聖人作易以懲忿窒慾為損卦之  
象其辭曰損德之脩也春秋諸侯之知德者  
鮮矣穆公初聽杞子之請遣蹇叔之言其名  
為會兵是慾而不能窒也及敗於殺歸作秦  
誓庶幾能改將窒其慾矣復起彭衙之師報  
殺函之役其名為憤兵是忿而不能懲也今  
又濟河取郊人之稱斯師也何義哉晉人畏

鮮上  
聲  
幾平  
聲

秦而不出穆公逞其忿而後悔自是見獲不報始能踐自誓之言矣是故於此貶而稱人備責之也

秋楚人圍江音註

江近楚小國

雨螽于宋音註

雨去聲螽音終

冬公如晉

十有二月巳巳公及晉侯盟

晉陽處父帥師伐楚以救江音註

晉大夫書帥師於是始自

士毅專盟書大夫處父專將書大夫於是常書大夫貶而後人之

召音部

以者不以者也救江善矣其書以何楚嘗伐鄭矣齊桓公遠結江黃合九國之師於召陵

覆去聲

然後伐鄭之謀罷又嘗圍宋矣晉文公許復曹衛會四國之師於城濮然後圍宋之役解今江國小而弱非能與宋鄭比楚人圍之必不待徹四境屯戍守禦之眾與宿衛盡行也當是時楚有覆載不容之罪晉主夏盟宜合諸侯聲罪致討命秦甲出武關齊以東兵略陳蔡而南處父等兵方城之外楚必震恐而江圍自解矣計不出此乃獨遣一軍遠攻強國豈能濟乎故書伐楚以救江言救江雖善而所以救之者非其道矣此春秋紀用兵之法也

戊戌

襄王二十九年

四年

晉襄五齊昭十衛成十二蔡莊二鄭穆五曹共三十陳共九杞

桓十四宋成十四秦穆三十七楚穆三

春公至自晉

夏逆婦姜于齊

逆皆稱女以未成婦而女者在父母家之所稱也往逆而稱婦入國不書至何哉此春秋誅意之效也禪制未終思念娶事是不志哀而居約矣方逆也而已成爲婦未至也而如在國中原其意而誅之也不稱大夫姜氏者亦與有貶焉婦人不專行何以與有貶父母與有罪也文公不知敬其伉儷違禮而行使國亂子弑齊人不能鑒微知者冒禮而徃使其女不允於魯皆失於不正其始之過也夫婦之際人倫之首禮不可不謹也故交貶之以爲

禪徒  
感反

後鑒

狄侵齊

狄楚人滅江

晉侯伐秦

晉人三敗秦師見報乃常情耳而穆公濟河焚舟則貶而稱人秦取王宮及郊未至結怨如晉師之甚也襄公又報之於常情過矣而得稱爵何也聖人以常情待晉襄而以王事責秦穆所以異乎襄公忘親背惠大敗秦師敗敵伐許怒魯侯之不朝也而以無禮施之是專尚威力先事加人莫知省德而後動也今又報秦不足罪矣穆公初敗於穀悔過自誓增脩德政宜若過而知悔悔而知改又有濟河之役則非誓言之意所以備責之也然晉襄見伐而報猶無譏焉秦穆至是見伐而不報善可知矣不譏晉侯所以深善秦伯春秋大改過嘉釋怨王者之事也故仲尼定書列秦誓於百篇之末以見悔過能改而不責人雖聖賢誥命不越此矣

背音  
佩  
省悉  
井反

衛侯成使甯俞來聘

冬十有一月壬寅夫人風氏薨

風氏僖公之母莊公妾也而稱夫人自是嫡妾亂矣語曰邦君之妻邦人稱之曰君夫人稱諸異邦曰寡小君蓋敵體之稱也若夫妾媵則非敵矣其生亦以夫人之名稱號之其沒亦以夫人之禮卒葬之非所以正其分也以妾媵為夫人徒欲尊寵其所愛而不虞卑其身以妾母為夫人徒欲崇貴其所生而不虞賤其父卑其身則失位賤其父則無本越禮至是不亦悖乎夫禮庶子為君為其母無服不敢貳尊者也春秋於成風記其卒葬各以實書不為異辭者謹禮之所由變也

分夫聲

乙亥 十年 五年 晉襄六 齊昭十一 衛成十三 蔡莊二十四 鄭穆六 曹共三十一 陳共

十和桓十五 宋成十五 泰穆三十八 楚穆四

春王正月王使榮叔歸含且贈音註榮叔周大

地叔字也 含戶暗反

珠玉曰含車馬曰贈歸含且贈者厚禮妾母也不稱天王者弗克若天也春秋繫王於天以定其名號者所履則天位也所治則天職也所教而悖之者則天之所叙也所自而庸之者則天之所秩也所賞所刑者則天之所命而天之所討也夫婦人倫之本王法所尤謹者今成風以妾僭嫡王不能正又使大夫歸含賜焉而成之為夫人則王法廢人倫亂矣是謂弗克若天而悖其道非小失耳故特不稱天以謹之也

三月辛亥葬我小君成風

為去聲

復扶又反

明芳鳳友

仲子雖聘非惠公之嫡也春秋之初尚以為疑故別為立宮而羽數特異此雖非禮之正然不附于姑猶有辨焉至是成風書葬乃有二夫人附廟而亂倫易紀無復辯矣故禮之失自成風始也

### 王使召伯來會葬音註

召伯天子卿也召采地音邵伯爵也王不稱

大於追錫桓公見之至是再見貶也且文武之教著於南雅莫急於君夫人也桓以少寡長成風以妾亂嫡王道熄矣而莊襄不能正又從而褒賞之是以天命施之天討也是故皆不稱天王臣下聘桓公冢宰書名示貶而大夫再聘則無譏焉或以為從同同也或以為同則書重也成風薨王使榮叔歸含且昭既不稱天矣及使召伯來會葬又與貶焉何也歸含且昭施於妾母已稠疊矣又使卿來會葬恩數有加焉是將祔之於廟也而致禮於成風盡矣聘一也含昭而又葬則其事益隆亂人倫廢王治甚矣再不稱天者聖人於此尤謹其戒而不略也

### 夏公孫敖如晉

### 秦人入郟音註

郟國名音若木在尚密秦楚之界上後遷南郟郟縣

### 秋楚人滅六音註

六小國或作蓼按地譜壽州安豐縣有六國故城

### 冬十月甲申許男業卒音註

僖公卒子昭公錫我立

己亥

襄王三

十一年

六年

晉襄七年齊昭十二衛成十四蔡共十一

六秦穆三十九楚穆五

### 春葬許僖公

夏季孫行父如陳音註行父季子

秋季孫行父如晉

八月乙亥晉侯驩卒音註襄公卒明年子靈公夷臯立

冬十月公子遂如晉葬晉襄公

晉殺其大夫陽處父晉狐射姑出奔狄

公羊子曰晉殺其大夫陽處父則狐射姑曷為出奔射姑殺也射姑殺則其稱國以殺何若漏言也易曰不出戶庭無咎何謂也子曰亂之所生則言語以為階君不密則失臣臣不密則失身幾事不密則害成是以君子慎密而不出也凡書殺者在上則稱君在下則稱氏在眾則稱人在微則稱盜君與臣同殺則稱國今殺處父者射姑耳君獨以漏言故亦預殺焉所以為後世戒也或以處父為侵官非歟曰人君用人失當則其國必危凡立

幾下聲

失當

夫去聲

文當

如字

焉音

姻

于朝者舉當諫君况身為晉國之大傅邪若以為侵官將相大臣非其人百官有司失其職在位者當拱默自全陰聽人主之所為至於顛危而不救則將焉用彼相乎率天下臣子為持祿容身不忠之行以誤朝迷國者必此侵官之說也

音註射入聲或作夜

閏月不告月猶朝于廟音註朝音潮

不告月者不告朔也不告朔則曷為不言朔也

生古

篤友

也因月之虧盈而置閏是主乎月而有閏也故不言朔而言月占天時則以星授民事則以節候寒暑之至則以氣百官修其政於朝庶民服其事于野則主乎是焉耳矣閏不可廢乎曰迎日推策則有其數轉機觀衡則有其象歸奇於劫以象閏數也斗指兩辰之間象也象數者天理也非人所能為也故以定

音勸 基劫 奇音

儀許  
氣反

丑辛

時成歲者唐典也以詔王居門終月者周制也班告朔於邦國不以是為附月之餘而弗之數也猶朝于廟者幸其不已之詞予貢欲去告朔之餼羊子曰爾愛其羊我愛其禮  
襄王三十七年  
晉靈公夷皋元年齊昭公十二年衛成  
十二年  
十五年蔡莊三十六年鄭穆八年曹共二  
十三陳共十二杞桓十七宋成  
十七卒秦康公瑩元年楚穆六

春公伐邾三月甲戌取須句音註須句魯之封內屬國也信

公及其君之後邾復滅之書取易也句音俱

遂城音註部魯邑因伐邾師以城部備邾難部音吾

夏四月宋公王臣卒音註成公卒昭公杵臼立

宋人殺其大夫音註宋人攻昭公并殺二大夫故以非罪書

書宋人者國亂無政非君命而眾人擅殺之也大夫不名義繁於殺大夫而其名不足紀也

音註不稱殺者及死者名殺者眾死者無罪

戊子晉人及秦人戰于令狐晉先蔑奔秦音註

令狐晉地在河東令力呈反先蔑晉人蔑或作昧

按左氏襄公卒太子幼晉人欲立長君趙孟使先蔑如秦逆公子雍秦康公以師納之襄夫人曰抱太子以嗟于朝曰舍適嗣不立而外求君將焉寘此諸大夫畏逼乃背先蔑立靈公趙盾將中軍以禦秦潛師夜起敗秦師于令狐先蔑奔秦程氏以為晉不謝秦秦納不正皆罪也故稱人晉懼秦之不肯已而擊之是晉人為志乎是戰者也故書及其貶之如此者使後世臣子慎於廢立之際不可忽也治亂存亡繫國君子廢立事莫重於此矣

舍上  
馬音  
姻

今平  
聲

而可以有誤乎奔者舉棋不定不  
勝其耦况置君而可以不定乎

### 狄侵我西部

秋八月公會諸侯晉大夫盟于扈音註扈鄭地

不序諸侯散辭也  
晉於是始失伯也

諸侯會晉趙盾盟於扈為晉侯立也趙盾內  
專廢置其君外強諸侯為此盟其不名者見  
大夫之強也諸侯不序見公之不及於會也  
文公怠惰事多廢緩既約晉盟而後後至故  
隱其不及罪公之不能自強  
於政治魯自是日益衰矣

### 冬徐伐莒

### 公孫敖如莒蒞盟

壬  
襄王三十八年  
八年晉且靈二齊昭十四衛成十六蔡  
莊二十七鄭穆九曹共三十四

陳共十三杞桓十八宋昭公  
杵臼元年秦康二楚穆七

### 春王正月

### 夏四月

秋八月戊申天王崩音註襄王崩子  
頃王立

冬十月壬午公子遂會晉趙盾盟于衡雍音註

衡雍鄭地  
與扈相近

乙酉公子遂會雜戎盟于暴音註雜戎維水名  
音洛蓋諸戎

雜居維水之間故  
曰雜戎暴鄭地

陸上  
戶



春秋記約而志詳其書公子遂盟趙盾及維戎何詞之贅乎曰聖人謹華夷之辯所以明族類別內外也維邑天地之中而戎醜居之亂華甚矣曰稱公子各日其會正其名與地以深別之者示中國夷狄終不可雜也自東漢已來乃與戎雜處而不辨晉至於神州陸沈唐亦世有戎狄之亂許翰以為謀國者不知學春秋之過信矣

### 公孫敖如京師不至而復丙戌奔莒

按左氏公孫敖奔莒從已氏也男女人之大欲存焉寡欲者養心之要欲而不行可以為難矣然欲生於色而縱於淫色出於性日之所視有同美焉不可掩也淫出於氣不持其志則放僻趨蹶無不為矣敖如京師其書不至而復者言敖無入使于周之意惟已氏之欲從也夫以志狗氣肆行淫欲而不能為之帥至於棄其家國出奔而不顧此天下之大

戒也春秋謹書其事於敖與何誅使後人為鑒必持其志脩室慾之方也

蝨

### 宋人殺其大夫司馬宋司城來奔

**音註** 司馬公 子印也

**司城** 蕩意諸也印 意誅皆昭公之黨

初宋昭公將去群公子樂豫以為不可遂舍司馬以讓公子印則印固昭公之黨欲專宋政而昭公固欲以其弟印自衛也夫司馬掌兵之官不選眾舉賢以素有威望為國人所畏服者使居其任乃欲寵其私昵鮮有不亡者矣公子印蕩意諸皆以官舉者見主兵者不能其官至於見殺守土者不能其官至於出奔而其君不免失身見弑之禍宜矣

### 春秋胡傳卷之十四

畢

印五 郎反 昵尼 質反

使去 帥所 類反

# 春秋胡傳卷之十五

## 文公下

癸卯

項王九年晉靈三齊昭十五衛成十七蔡莊二

元年十八鄭穆十曹共三十五卒陳共十

春毛伯來求金音註

求金止此句是魯雖不脩貢周無求矣

天音

毛伯天子大夫何以不稱使當喪未君也踰年卽位矣何以言未君古者諒陰三年百官總已以聽於冢宰夫百官總已以聽則是冢宰獨專國政之時託於王命以號令天下夫豈不可而不稱使春秋之旨微矣非特謹天下之通喪所以示後世大臣當國秉政不可擅權之法戒也跋扈之臣假仗主威脅制中外凡有所行動以詔書從事蓋未有以春秋

此義折之耳

夫人姜氏如齊音註

姜氏齊昭公女

二月叔孫得臣如京師辛丑葬襄王音註

前年公子

遂葬襄公今年得臣葬襄王是夷周於晉也

晉人殺其大夫先都音註

先都下軍佐也以作亂討故書名

三月夫人姜氏至自齊

夫人與君敵體同主宗廟之事出必告行反必告至則書於策然過他國者或曰享或曰會或曰如眾矣未有致之者則其行非禮以不致見其罪也出姜如齊以寧父母於禮得行矣其致者非特以告廟書耳夫人初歸豈其不告為文公越禮故削而不書示誅意之

見音

法矣今此書至者又以見小君之重也夫承祭祀以為宗廟主一國之司儀而可以搖動乎出姜至是蓋不安于魯故至而特書以示防微杜漸之意其為世慮深矣音註

見音

晉人殺其大夫士穀及箕鄭父音註

與先都同罪也

殺先都士穀國也其稱人以殺者國亂無政眾人擅殺之稱也何以知其非討賊之詞書殺其大夫則知之矣三大夫皆強家也求專晉不得挾私怨以作亂而使賊殺其中軍佐則固有罪矣曷為不去其官當是時晉靈初立主幼不君政在趙盾而中軍佐者盾之黨也若獄有所歸則此三人者獨無可議從末減予而皆殺之是大夫專生殺而政不自人主出也故不稱國討不去其官而箕鄭父書及示後世可賞罰者必本忠恕無有黨偏之

去上  
同 声下

意其義  
精矣  
音註  
去上聲  
下同

楚人伐鄭公子遂會晉人宋人衛人許人救鄭

按左氏范山言於楚子曰昔君少不在諸侯  
北方可圖也楚子師於狼淵以伐鄭則是貪  
得無故憑陵諸夏之兵也故楚子親將貶而  
稱人晉宋衛則趙盾華孔皆國卿也何以貶  
而稱人救而不及楚師欲以懲不恪也晉主  
夏盟不在諸侯以啓戎心誰之過乎故書救  
而稱人以罪趙盾之不能折  
衝消患為夷狄之所規也  
音註  
范山楚大  
將去聲華  
戶化反

夏狄侵齊

秋八月曹伯襄卒音註  
襄公卒子  
文公壽立

九月癸酉地震音註  
地道安靜以  
動為異故書

冬楚子使椒來聘音註  
楚君臣始  
並見於經

楚僭稱王春秋之始獨以號舉夷狄之也中  
間來聘改而書人漸進之矣至是其君書爵  
其臣書名而稱使遂與諸侯比者是以中國  
之禮待之也所謂謹華夷之辯內諸夏而外  
四夷義安在乎曰吳楚聖賢之後見周之弱  
王靈不及僭擬名號此乃夏而變於夷者也  
聖人重絕之夫春秋立法謹嚴而宅心忠恕  
嚴於立法故僭號稱王則深加貶黜比之夷  
狄以正君臣之義恕以宅心故內雖不使與  
中國同外亦不使與夷狄等思善悔過向暴  
中國則進之而不拒此慎用刑重絕人之意  
也噫春秋之所以為春秋非聖人莫能脩之  
乎者

扶  
夷音

爾芳  
鳳友

分去  
聲

秦人來歸僖公成風之祿音註

衣服曰  
祿音遂

秦人歸祿而曰僖公成風者非兼祿也亦猶平王來賜仲子而謂之惠公仲子爾仲子惠公之妾也然則風氏亦莊公之妾曷不書曰來歸莊公成風之祿乎曰寵愛仲子以妾為妻者惠公也故書惠公仲子所以正後世之為人夫者當明夫道不可亂嫡妾之分以卑其身尊崇風氏立為夫人者僖公也故書僖公成風所以正後世之為人子者當明子道不可行僭亂之禮以賤其父聖人垂戒之義明矣

葬曹共公

甲辰

項王十年晉靈四齊昭十六衛成十八蔡莊二  
十五年杞桓二十宋昭  
三蔡康四楚穆九

春王三月辛卯臧孫辰卒音註

臧孫辰  
文仲也

夏秦伐晉音註

狄秦也楚之伯秦之力也於是  
狄秦夏之變於夷秦為之也又

三十年而狄鄭又五十年而  
狄晉狄鄭猶可也狄晉甚矣

說者謂秦伐晉以戎狄書蓋闕文者據左氏少梁北徵之師兩國相攻無他得失言之也然晉取少梁事不經見固未可據秦以狄書者程氏以謂晉舍適嗣而外求君罪也既而悔之正矣秦不顧義理是非惟以報復為事則夷狄之道也以此狄秦義固然矣或者猶有深許晉人悔過能改終不遂非之意故重貶秦伯以見乎

音註

少去聲  
下同

楚殺其大夫宜申音註

宜申子  
西也

按左氏宜申與仲歸謀弑穆王而誅則是討弑君之賊也曷為稱國以殺又書其官而不

曰楚人殺宜申乎曰穆王者即楚世子商臣也而春秋之義微矣

自正月不雨至于秋七月

及蘇子盟于女栗

**音註**蘇子周卿士也女栗地名闕女音汝○頃王新

立故與魯盟親諸侯也

冬狄侵宋楚子蔡侯次于厥貉

**音註**厥貉地名

○次以見楚之圖伯而未集也是故書次于厥貉以見楚伯之難楚滅江六乎陳與鄭於是乎為伐宋之舉次于厥貉比伐而次者其次為善次而伐者其次為貶齊師次陰脩文告以威敵善之也故上書伐楚以著其美楚次厥貉藏禍心以憑夏貶之也故下書伐麋以著其罪當是時陳鄭宋皆從楚矣獨書蔡侯何哉鄭失三大夫

乙巳

頃王十有一年

**音註**靈五齊昭十七衛成十九蔡三年莊三十鄭穆十二曹文二陳共

十六杞桓二十一宋昭四秦康五楚穆十

春楚子伐麋

**音註**麋小國近楚音君楚書君將於是始自是楚師必圍滅而

後貶之人

夏叔仲彭生會晉卻缺于承筐

**音註**承筐宋地

秋曹伯來朝

公子遂如宋

昭

狄侵齊昭

冬十月甲午叔孫得臣敗狄于鹹音註

魯地 鹹音咸

左氏稱此長狄也而劉敞以為非夫春秋正名之書其稱狄也或曰狄或曰白狄或曰赤狄其稱戎也或曰戎或曰山戎或曰姜戎或曰陸渾之戎不別其種類書之於策後亦無所考矣

**音註**種上聲

丙午

頃王十有二年

晉靈六齊昭十八衛成二十蔡莊三十一鄭穆十三曹文二陳

共十七杞桓二十二宋昭五秦康六楚穆十一

春王正月邾伯來奔音註

此邾大夫朱儒也其曰邾伯見魯以諸侯

之禮逆之也是故邾大夫朱儒魯謂之邾伯晉太子州蒲晉謂之晉侯從而去之徒見其悖禮

馬

杞伯來朝音註

復稱伯 舍夷禮

二月庚子子叔姬卒音註

叔姬文公女許嫁杞伯後為絕昏至是卒

夏楚人圍巢音註

巢吳楚間小國

秋滕子昭來朝

秦伯康使術來聘音註

秦君臣始並見

冬十有二月戊午晉人秦人康戰于河曲

康

秦伯親將晉上卿趙盾禦之其稱人何為令狐之役故也秦納不正遂非積忿晉不謝秦潛師禦之是以暴兵連禍至此極也凡戰皆以主人及客者處已之道寡然之方王者之

壽為 並去 壽暴

別必 別反 扶太音

事其不書晉及何也前年秦師來伐晉不言戰者晉已服矣故狄秦而免晉今又爲此役則秦曲甚矣故不以爲主惟動大衆從秦師不奉詞令以止之也故敗而稱人此輕重之權音註河曲晉

季孫行父帥師城諸及鄆音註

諸鄆本魯二邑近於莒乃晉魯

所爭者以其遠逼外國故帥師城之

**未**

五年十有三年

晉靈七齊昭十九衛成二十一蔡莊三十二鄭穆十四曹文四

陳共十八卒杞桓三十三宋昭六秦康七楚穆十二

春王正月

夏五月壬午陳侯朔卒音註

共公卒子靈公平國立

邾子遠蔭卒音註

遠蔭音渠除○文公卒子定公獲且立

自正月不雨至于秋七月

世室屋壞

世室魯公之廟也周公稱太廟魯公稱世室羣公稱宮書世室屋壞譏久不脩也何以知久乎自正月不雨則無壞道也不雨凡七月而先君之廟壞不恭甚矣凡此皆志文公怠慢不謹事宗廟以致魯國衰削之由垂戒切矣

冬公如晉衛侯會公于沓音註

沓地名

狄侵衛

十有二月己丑公及晉侯盟公還自晉鄭伯會



公子棗音註

棗鄭地音吠又音匪一楚次厥貉而晉遂不競於是公朝晉衛侯魯

公諸侯之懼甚矣

公公還自晉鄭伯會

十有四年

昭二十八年

頃王六年崩于班嗣位是

為匡王春秋皆不書崩葬

衛成二十二年蔡莊三十三

鄭穆十五曹文五陳靈公平國二年紀桓二十四宋昭七秦康八楚莊王旅元年

春王正月公至自晉

邾人伐我南鄙叔彭生帥師伐邾

夏五月乙亥齊侯潘卒音註

昭公卒子舍立

六月公會宋公

昭陳侯

靈衛侯

成

鄭伯

穆

許男

阮

昭

曹伯晉趙盾突西同盟于新城音註

新城宋地

同盟于新城同外楚也其曰同者志諸侯同欲非強之也而宋公陳侯鄭伯在焉則知楚次厥貉三國雖從誠有弗獲已者削而不書蓋恕之也蔡不與盟果有背華即夷之實矣夷考晉楚行事未有以大相遠也而春秋予奪如此者荆楚僭王若與同好陵蔑中華是將代宗周為共主君臣之義滅矣可不謹乎

音註

強上聲與音預背音佩

秋七月有星孛入于北斗

孛去聲

孛者惡氣所生闔亂不明之貌也入于北斗者斗有環域天之三辰綱紀星也宋先代之後齊晉天子方伯中國紀綱彗者所以除舊布新也禎祥妖孽隨其所感先事而著後二三年宋弑昭公又二年齊弑懿公又二年晉弑靈公此三公者皆違道失德而死于亂符叔

服之言天之示人顯矣史之有占明矣

### 公至自會

### 晉人納捷菑于邾弗克納

**音註** 菑側其反

邾文公元妃齊姜生定公二妃晉姬生捷菑文公卒邾人立定公捷菑奔晉趙盾以諸侯之師八百乘納捷菑于邾邾人辭曰齊出矍且長宣子曰非吾力不能納也義實不爾克也引師而去之故君子善之而書曰弗克納也在易之同人九四曰乘其墉弗克攻吉象曰乘其墉義弗克也其吉則困而反則也其趙盾之謂矣聖人以改過為大過而不改將文過以遂非則有怙終之刑過而能悔不貳過以遠罪則有遷善之美其曰弗克納則私欲不行可以為難矣然則何以稱人大夫而置諸侯非也聞義能徙故為之諱內以諱為

取外以諱為善 **音註** 見音現

### 九月甲申公孫敖卒于齊

### 齊公子商人弒其君舍

**音註** 商人弒舍自立是為懿公

州吁弒君則以國氏商人獨稱公子何也以國氏者累及乎上稱公子者誅止其身夫州吁寵愛有匹嫡奪正之漸莊公養成其惡而莫之禁至於弒逆則有以致之矣故曰以國氏者累及乎上按左氏魯叔姬配齊昭公生舍叔姬無寵舍無威商人心知其孤危寡特可以取而代也於是驟施於國而多聚士然則商人弒逆出於其身之所為而非昭公有以致之也故曰稱公子者誅止其身舍未喻年而成之為君者穀梁子曰成舍之為君所以重商人 **音註** 累劣偽反

死音 配施 去聲

乘去 聲 乘如 字 文達 並去 聲 為去 聲

宋子哀來奔音註

子哀即高哀也

宋昭公無道高哀為蕭封人以為卿不義宋公而出遂來奔書曰子哀貴之也易曰幾者動之微吉之先見者也君子見幾而作不俟終日宋子哀有焉昔微子去紂列於三仁之首子哀不立於危亂之邦而春秋書字謂能貴愛其身以存道也若偷生避禍而去國出奔亦何取之有

冬單伯如齊齊人

懿

執單伯音註

單伯周卿士單音善○諸

侯無執王使之義故不依行人例

齊君舍魯之甥也商人弑舍固忌魯矣魯使單伯如齊齊人意欲辱魯故執單伯并子叔姬而誣之以罪不稱行人公羊所謂以已執之者也

齊人

懿

執子叔姬音註

子叔姬魯女

子叔姬者齊君舍之母也弑其君執其母皆商人所為而以爲齊人執之何也商人弑君之罪已顯而齊人黨賊之惡未彰商人驟施於國而多聚士是以財誘齊國之人而濟其惡也齊人懷商人之私惠忘君父之大倫弑其君而不能討執其母而莫之救則是舉國之人皆有不赦之罪也假有人焉正色而立於朝誰敢致難其君與執其母而不知顧乎故聖人書曰齊人執子叔姬所以窮逆賊之黨與而治之也其討罪之旨嚴矣故曰春秋

威而亂臣賊子懼

音註

施去聲難去聲

乙酉

匡王元年

十有五年

晉靈公齊懿公商人元年衛成

六曹文六陳靈二杞桓二五宋昭八秦康九楚莊二

春季孫行父如晉音註

季孫行父魯大夫即季文子也

三月宋司馬華孫來盟音註

華孫即華耦為華督孫故稱華孫

華去聲下同

司馬主兵之官稱華孫者自督弒殤公諸侯受賂失賊不討使乘宋政及其後世繼掌兵權春秋之所禁者故傳載其承命亞旅之詞而經書曰宋司馬華孫來盟其曰華孫猶季孫叔孫仲孫臧孫之類不書名者義不繫於名也不稱使以是專行為無君矣孟子曰所謂故國非謂其有喬木有世臣之謂也春秋此義其欲後世以賢者之類功臣之胄為世臣然後委音註傳去聲之以政乎

夏曹伯來朝

齊人歸公孫敖之喪音註

大夫喪還不書善魯感子以敖公斂公族

之思崇仁孝之教故特錄敖喪歸以示義

公孫敖慶父之後行又醜矣出奔他國其卒與喪歸皆書於策者許翰以為文伯惠叔一子之哀誠無已也故魯人從其請國史記其事仲尼因而而不革者以敖著教也易曰有子考無咎周公命蔡仲曰爾尚蓋前人之愆

六月辛丑朔日有食之鼓用牲于社

單伯至自齊

單伯天子之命大夫也故逆王姬會伐宋使于齊皆書其字致而不名與意若媯異者無所書而不尊王音註使去聲媯命謹臣禮也敕略反

晉郤缺帥師伐蔡戊申入蔡音註

入國書大夫於是始是故

自伐書陽處父入書卻缺侵書趙穿由是凡役書大夫

秋齊人懿侵我西部

季孫行父如晉

冬十有一月諸侯盟于扈

盟于扈者晉侯宋公衛蔡陳鄭曹許八國之君也何以不序略之也春秋于夷狄君臣同詞而不分爵號說者以為略之也八國曷為略之等於夷狄乎齊人弑君不能致討受賂而退奚以賢於狄矣不曰晉人會諸侯盟於扈而曰諸侯盟者分惡於諸侯也陳恒弑其君孔子沐浴而朝告於哀公請討之弑君之賊夫人之所得討也而况諸侯乎况於隣國乎略諸侯而不序以其欲討齊罪而復不能也况於隣境初不與盟會者乎魯君之罪亦

可知也音註號去聲復

十有二月齊人來歸子叔姬

不書齊子叔姬來歸而曰齊人來歸子叔姬者見子叔姬無罪齊人自絕而歸之爾春秋深罪齊人以商人為君而不知其惡故其執其歸與弑其君商人皆稱齊人深責之也

音註見音現

齊侯侵我西部遂伐曹入其郛音註

郛音孚○兵事言遂

必天下之大故也此言遂伐曹以齊始敗夏盟晉遂不競也

庚戌

二年十有六年

晉靈十齊懿二衛成二十四蔡文公申元年鄭穆十七曹文七

陳靈三杞桓二十六宋昭九弑秦康十楚莊三

春季孫行父會齊侯于陽穀齊侯弗及盟音註

陽穀齊地

夏五月公四不視朔

天子班朔于諸侯諸侯每月奉以告廟出視朝政文公四不視朔公羊子以為有疾也不言疾自是公無疾不視朔也此見聖人所書之意若後復視朔者必於此書公有疾與昭公如晉之事比矣文公厭政備見於經閏不告朔不視無雨不閏會同不與廟壞不修作主不時事神治民之怠也則其心放而不知求久矣

六月戊辰公子遂及齊侯盟于鄆丘音註

齊地或作屏丘鄆音西又音婁

秋八月辛未夫人姜氏薨音註  
姜氏僖公夫人文公母也

毀泉臺音註  
泉臺即郎臺也

先祖為之非矣然臺之存毀非安危治亂之所繫也雖勿居可也而必毀之是暴揚其失有輕先祖之心此履霜之漸弑父與君之萌春秋之所謹也故書

楚人秦人巴人滅庸音註  
庸東南小國

楚大饑戎與麋濮交伐之而庸人幸其弱帥群蠻以叛楚此取滅之道也楚人謀徙於阪高為賈曰不可我能往寇亦能往不如伐庸亦見其謀國之善矣故列書三國而楚不稱師滅楚之罪詞也

冬十有一月宋人弑其君杵臼音註  
昭公弑弟文公鮑立

夏音現與

居音  
基  
父音  
甫

此襄夫人使甸殺之也而書宋人者昭公無道國人之所欲弑也君無道而弑之可乎諸侯殺其大夫雖當其罪若不歸司寇猶有專為君也故曰人臣無將將而必誅昭公無道聖人以弑君之罪歸宋人者以明三綱人道之大倫君臣之義不可廢也然則有土之君可以肆於民上而無誅乎諸侯無道天子方伯在焉臣子國人其何居死於其職而明於去就從違之義斯可矣蕩意諸亦死職春秋削之不得班於孔父仇牧荀息何也三子閑其君而見殺春秋之所取也意諸知國人將弑其君而不能止知昭公之將見殺而不能正坐待其及而死之所謂匹夫匹婦自經於溝瀆而莫之知也奚得與死於其職者比乎聖人所以獨取高哀之去而書字以褒之也

音註

當去聲  
居音基

辛亥

匡王

十有七年

晉靈十一

齊懿二

衛成二十五

曹文八

陳靈

四年

桓二十

七

宋文公鮑

元年

秦康十二

楚莊四

春晉人衛人陳人鄭人伐宋音註

自閔僖以至終於春秋陳

復扶  
反

侯常在衛侯上今大夫會在衛下傳不言陳公孫寧後至則寧位非上卿然也

列國之卿其君所與共天位治天職者宋有弑君之亂欲行天討而伐宋乃其職也復不能討而成其亂是不足為國卿夫其職矣故皆貶而稱人大夫師師稱名氏賤者窮諸人其稱人賤之也陳桓弑簡公孔子請討曰以吾從大夫之後不敢不告也

夏四月癸亥葬我小君聲姜音註

聲姜文公之母或作聖姜

齊侯伐我西部

六月癸未公及齊侯懿盟于穀

諸侯會于扈

宋昭公雖為無道人臣將而必誅春秋正宋人為弑君之罪所以明人道之大倫也故大夫無沐浴之請則貶而稱人諸侯無討賊之功則略而不序不然是廢君臣之義人欲肆而天理滅矣故曰春秋成而亂臣賊子懼

秋公至自穀

冬公子遂如齊

字子

匡王十有八年

晉靈十二齊懿四弑衛成二十四年六蔡文三鄭穆十九曹文九鄭靈五杞桓二十八宋文二秦康十二卒楚莊五

春王二月丁丑公薨于臺下

秦伯瑩卒音註

康公卒于共公立瑩音鶯

夏五月戊戌齊人弑其君商人音註

懿公弑見惠公元立

刑音 月邴 音邴 駮七 作反 乘去 声

按左氏齊懿公即位則刑邴歎之父而使歎僕納閭職之妻而使職駮乘二人者實弑懿公然則於法宜書曰盜而特變其詞以為齊人何也亂臣賊子之動於惡必有利其所為而與之者人人不利其所為而莫之與則孤危獨立無以濟其惡篡弑之謀熄矣惟利其所為而與之者眾是以能濟其惡天下胥為禽獸而莫之遏公子商人驟施於國而多聚士盡其家而貸於公有司是以財誘齊國之人也齊人貪公子一時之私施不顧君臣萬世之大倫弑其國君則覩面以為之臣而不能討執其君母則拱手以聽其所為而不能救



塞先  
百反

故於懿公見殺特不書盜反以弑君之罪歸諸齊人以誅亂賊之黨弭篡弑之漸所謂拔本塞源懲禍亂之所由也故

**音註**

歎音觸盡津忍反貸

### 六月癸酉葬我君文公

### 秋公子遂叔孫得臣如齊

使舉上客將稱元帥此春秋立文之常體也其有變文書介副者欲以起問者見事情也子亦夫人之子今卒於弑不著其實是為國諱惡無以傳信於將來而春秋之犬義隱矣故上書大夫並使下書夫人歸於齊中曰子卒則見禍亂邪謀發於奉使之日而公子遂弑立其君

**音註**

為去聲使去聲

### 冬十月子卒

**音註** 子謂子赤也

諸侯在喪稱子繼世不忍當也既葬不名終人子之事也踰年稱君緣民臣之心也子卒何以不日遇弑不忍言也既葬而不名不名而遇弑者不日以見其弑子赤是也踰年而稱君稱君而遇弑者不地以見其弑閔公是也何以知其賊乎上書大夫並使下書子卒夫人歸則知罪之在公子遂矣孫于邾出奔莒則知罪之在夫人與慶父矣繼世之恩終事之重情文之節隱惡之禮記事

**音註**

使去聲

### 夫人姜氏歸于齊

**音註** 姜氏齊女即哀姜也

書夫人則知其正書姜氏則知其非見絕於先君書歸於齊則知其無罪異於孫于邾者而魯國臣子殺嫡立庶敬羸宣公不能事主君存適母其罪不書而並見矣

**音註**

將去  
声

孫夫  
声  
父音  
爾

見音  
現

適音嫡  
見音現

季孫行父如齊

莒弒其君庶其音註  
稱君名無道也

冬十月壬午卒音註  
赤也  
七音

春秋胡傳卷之十六

魯宣公上  
公名倭一名接又作委文公于  
母敬嬴謚法善問周達曰宣

周  
匡王五年魯宣公二  
年匡王崩弟定王立

鄭  
穆公二十年魯宣公三年穆公卒靈  
公夷立宣四年靈公弒弟襄公堅立

齊  
惠公元年魯宣公十年  
惠公卒子頃公無野立

宋  
文公元年

晉  
靈公繼霸十二年趙盾為政魯宣公二年靈  
公弒成公黑臀立宣八年卻缺為政宣九年

成公卒子景公儒立宣十一年荀林父為政  
宣十六年士會為政宣十七年卻克為政

音註  
儒乃  
候反

**衛** 成公二十七年魯宣公九年成公卒子穆公遯立

**蔡** 文侯四年魯宣公十七年文侯卒子景侯固立

**曹** 文公十年魯宣公十四年文公卒子宣公廬立

**陳** 靈公六年魯宣公十年靈公弒子成公午立

**杞** 桓公二十九年

**薛** 詳見僖公元年

**莒** 季佗元年

**邾** 定公六年

**許** 昭公十四年魯宣公十七年昭公卒靈公立

**小邾** 詳見僖公元年

**楚** 莊王六年魯宣公十一年盟辰陵討陳春秋始予楚莊王以霸宣十一年楚莊孫敖為令

尹宣十一年敗晉于邲宣十八年莊王卒共王立

**秦** 共公元年魯宣公四年共公卒桓公立

**吳** 詳見隱公元年及成公元年

**越** 詳見隱公元年

**元年** 魯宣公十三年齊惠公元年衛成二十五年晉靈十七年蔡文四年鄭穆二十年曹文十

年陳靈六年杞桓二十九年魯文三年秦共六稻元年楚莊六年

**春王正月公即位**

邲音 邲共 平聲

丑癸

宣公為弑君者所立受之而不討賊是亦聞乎弑也故如其意焉而書即位以著其自立之罪而不嫌於同辭美一也有小大則褒詞異惡一也有小大則貶詞異一美一惡無嫌同於

### 公子遂如齊逆女

**音註**

尊君命也

魯秉周禮喪未替年遣卿逆女何亟乎太子赤齊出也仲遂殺子赤及其母弟而立宣公懼於見討故結婚於齊為自安計越典禮以逆之如此其亟而不顧者必敬嬴仲遂請齊立接之始謀也其後滕文公定為三年喪父兄百官皆不欲曰吾宗國魯先君莫之行也喪紀浸廢夫豈一朝一夕之故自文宣莫之行矣此所謂不特貶絕而罪惡見者也

### 三月遂以夫人婦姜至自齊

**音註**

尊夫人也

有不待貶絕而罪惡見者不貶絕以見惡人與有罪焉則待貶而後見故不稱氏夫人其如何知惡無禮如野有死麕能以禮自防如草蟲愆期有待如歸妹之九四則可免矣凡稱婦者其詞雖同立義則異逆婦姜于齊病文公也以婦姜至自齊責敬嬴也敬嬴嬖妾私事襄仲以其子厲之殺世適兄弟出主君夫人援成風故事即以子貴為國君母斬焉在哀服之中請昏納婦而其罪隱而未見也故因夫人至特稱婦姜以顯之此乃春秋推見至隱著妾母當國用事為後世鑒者也槩指為有姑之詞而不察其旨則精義隱矣

**音註**

鹿園音困

### 夏季孫行父如齊

經書行父如齊而不言其故謂納賂以請會者傳也經有不待傳而著者比事以觀斯得

父音

獨屬音

預與音

夫音

見音  
現相  
送声

矣下書公會齊侯于平州則知此會行父請之也又書齊人取濟西田則知其請蓋以賂也雖微傳其事著矣諸侯立卿為公室輔猶屋之有楹也而謀國如此亦不待貶絕而惡自見者也不然以行父之勤勞恭儉相三君而無私積必能以其君頭名與晏嬰等矣

**音註**

積子賜反相三君而無私積事見襄公五年

### 晉放其大夫胥甲父于衛

放猶羈置母去其所比於專殺者其罪薄乎二爾或以為近正非矣大夫常官既不請於天子而自命以為有罪又不告於司寇而擅刑猶不遠乎正乎秦晉戰於河曲虢也駢之謀者趙穿也若討其不用命則當以穿為首止治軍門之呼借貶可也而獨放胥甲父則以趙盾當國穿其族子而盾庇之也桃園之罪其志固形於此矣故稱國以放見政之在

私門而成上

**音註**

呼去聲止治軍門之呼一侵為後戒也

### 公會齊侯于平州

**音註** 平州齊地

按左氏曰會于平州以定公位魯宣篡立踰年舉國臣子既從之矣若之何位猶未定而有待於平州之會也春秋以來弑君篡國者已列於諸侯則不復致討故曹人以此請負芻于晉矣篡弑之賊毀滅天理無所容於天地之間身無存沒時無古今其罪不得赦也以列於會而不復討是率中國為戎夷棄人類為禽獸此仲尼所為懼春秋所以作也然欲定其位者魯宣宜稱及齊而曰會者討賊之法也凡討亂臣賊子必深絕其黨而後為惡者孤也

**音註**

請負芻于晉事見左傳成公十六年

復扶  
反

### 公子遂如齊

使去  
聲平

為去  
聲

饜於  
祀反

還音  
旋

宣公篡立之罪仲遂主謀為首惡初請於齊遂為上客而並書介使者罪叔孫得臣不能為有無亦從之也大夫有以死爭者矣然削而不書者以叔仲惠伯死非君命失其所也遂及行父則一再見於經矣如齊拜成雖削之可也又再書于策者於此著其始終成就弑立之謀以戒後世人臣或內交宮禁以固其黨或外結藩鎮以為之援至於殺生廢置皆出其手而人主不悟者其慮深矣凡此皆直書於策而義自見者也

### 六月齊人

惠

### 取濟西田

**音註** 濟西魯故地僖公取之曹者

魯人致賂以免討而書齊人取田者所以著齊罪春秋討賊尤嚴於利其為惡而助之者所以孤其黨夫齊魯隣國盟主之餘業也子惡弑出姜歸而宣公立不能聲罪致討務寧魯亂首與之會是利其為惡而助之也弑君篡國人道所不容而貨賂公行免於諸侯之

討則中國胥為戎夷人類滅為禽獸其禍乃自不知以義為利而以利之可以為利而為之也孟子為梁王極言利國者必至於弑奪而後饜蓋得經書取田之意舉法如此然後人知保義棄利亂臣賊子孤立無徒而亂少彌矣

### 秋邾子

定

### 來朝

### 楚子

莊

### 鄭人

穆

### 侵陳遂侵宋

**音註**

侵蔡遂伐楚以見齊伯侵

陳遂伐宋以見楚伯

楚書爵而人鄭者貶之也鄭伯本以宋人弑君晉不能討受賂而還以此罪晉為不足與也遂受盟于楚今乃附楚以亟病中國何義乎書侵陳遂侵宋者以見潛師掠境肆為侵暴非能聲宋罪而討之也既正此

**音註**

亟去聲

晉趙盾帥師救陳音註始伯於是楚

傳去 声

鄭在王畿之內而附蠻夷陳先代帝王之後而見侵逼此門庭之寇利用禦之者也晉能救陳則存諸夏攘夷狄之師故特褒而書救凡書救者未有不善之也如解倒懸如拯民於塗炭之中知此義則知春秋用兵之意也傳稱師救陳宋經不書宋此非闕文乃聖人削之也前方以不能討宋上卿貶而稱人諸侯會而不序今若書救宋則典刑紊矣

宋公文陳侯靈衛侯成曹伯文會晉師于棗林

伐鄭音註此趙盾也大夫而用諸侯之師於是始其曰會晉師則不以大夫用諸侯

數上 辭

也也列數諸侯而會晉趙盾穀梁子以為大趙盾之事以其大之也故曰師此說非也春秋立

法君為重而大夫與師其體敵列數諸侯於帥師之下而又書大夫之名氏則臣疑於君而不可以為訓其名會晉師此乃詳禮於微之意也其立義精矣棗林鄭地也前者地而後代以為疑詞此其地則以著音註其美者一美一惡無嫌於同音註數上

冬晉趙穿帥師侵崇音註崇小國在京兆鄠縣

父入書卻缺侵書趙穿而後凡役書大夫

護許 况反

崇在西土秦所與也晉欲求成于秦不以大義動之而伐其與國則為護已甚比諸伐楚以救江異矣而傳謂設此謀者趙穿也意者趙穿已有逆心欲得兵權託於伐國以用其眾乎不然何謀之迂而當國者亦不裁正而從之也穿之名姓自登史策弑君於桃園而上卿以志同受惡其端又見於此書侵以見所以求成者非其道矣

晉人宋人伐鄭

宋人弒君既列於會。在春秋衰世已免諸侯之討矣。論春秋王法則其罪固在法所不赦也。而晉人與之合兵伐鄭。是謂以燕伐燕。庸愈乎其書晉人宋人非將。卑師少蓋。貶而人之也。以貶書伐者。若曰聲罪致討而已。有瑕則何以伐人矣。

**音註** 論去聲

**寅甲**

年崩 二年 靈王六年 靈十四 弒 靈惠二 衛成二十八年 靈七 杞桓三十 宋文 四 秦共二 楚莊七

春王二月壬子宋華元帥師及鄭公子歸生帥

師戰于大棘宋師敗績獲宋華元 **音註** 大夫主戰於是

始於是凡戰書大夫

兩軍接刃主將見獲其負明矣。又書師敗績詞不贅乎。此明大夫雖貴與師等也。故將尊師少稱將不稱師。師眾將卑稱師不稱將。將尊師眾並書於策者。示人君不可輕役大眾。又重將帥之選其義深矣。或曰元帥三軍之司命而輕重若是。班乎自行師而言則以元帥為司命自有國而言則以得眾為邦本。鄭使高克將兵禦狄于境。欲遠克也。而不恤其師。楚以六卒實從。得臣恐喪師也。而不恤其將。故經以棄師罪鄭。以殺其大夫責楚。明此義然後知王者之道。輕重之權衡矣。

**音註** 將去聲 並同 遠去聲

秦師伐晉

按左氏以報崇也。遂圍焦。晉用大師於崇。乃趙穿私意而無名也。故書侵秦人為是。與師而報晉則問其無名之罪也。故書伐世豈有欲求成於強國而侵其所與。可以得成者乎。



穿之情見矣宣于當國筭無遺策獨憤於此  
哉其從之也而盾之情亦見矣春秋書事筆  
削因革必有以也一侵一伐而不書圍焦  
所以誅晉卿上侵之意其所由來者漸矣  
**音**

### 夏晉人宋人衛人陳人侵鄭

按左氏晉趙盾及諸侯之師侵鄭以報大棘  
之役初鄭歸生受命于楚以伐宋經不書伐  
而以宋華元主大棘之戰者蓋楚人有詞于  
宋矣師之老壯在曲直晉主夏盟盾既當國  
合諸侯之師何畏乎楚何避乎鬪椒然力非  
不足而去之者以理曲也故卿不氏而稱人  
師書侵而不言伐易於訟卦之象曰君子作  
事謀始始而不謀將至於興師動眾有不計  
定者矣晉惟取賂釋宋而不討至於中國之  
大不能服鄭不競於楚可不慎乎春秋行事

華胡  
化反

必正其本為末流之  
若此也其垂戒明矣

### 秋九月乙丑晉趙盾弑其君夷臯**音註**靈公弑成公黑

腎立靈公不君而稱臣以弑者  
以示良史之法深責執政之臣

趙穿手弑其君董狐歸獄於盾其斷盾之獄  
詞曰子為正卿亡不越境反不討賊以書是  
斷而盾也受其惡而不敢辭仲尼因其法而  
不之革其義云何曰正卿當國任事之臣也  
國事莫酷於君見弑不於其身而誰責乎亡  
而越境謂去國而不還也然後君臣之義絕  
反而討賊謂復讐而不釋也然後臣子之事  
終不然是盾偽出而實聞乎故也假令不與  
聞者而縱賊不討是有今將之心而意欲穿  
之成乎弑矣惡莫慘于意今以此罪盾乃閑  
臣子之邪心而謹其漸也盾雖欲辭而不受  
可乎以高貴卿公之事觀焉抽戈者成濟唱

斷丁  
亂反

令平  
聲

辟毗  
亦反

謀者賈充而當國者司馬昭也為天吏者將原司馬昭之心而誅之乎亦將致辟成濟而足也故陳泰曰惟斬賈充可以少謝天下耳昭問其次意在濟也泰欲進此直指昭也然則趙穿弒君而盾為首惡春秋之大義明矣微夫子推見至隱垂法後世亂臣賊子皆以詭計獲免而至愚無知如史太鄧扈樂之徒皆蒙歸獄而受戮焉君臣父子不相夷以至於禽獸也幾希故曰春秋成而亂臣賊子懼

**音註**  
同樂音洛

### 冬十月乙亥天王崩

卯乙

定王三年晉成公黑臀元年齊宣王三年衛成二十九年  
陳靈八年桓三十一宋文五秦共三楚莊八

### 春王正月郊牛之口傷改卜牛牛死乃不郊

乃不郊為牛之口傷改卜牛而牛又死也不然郊矣禮為天王服斬衰周人告喪於魯史策已書而未葬也祀帝于郊夫豈其時而或謂不以王事廢天事禮乎春秋以來喪紀浸廢有不奔王喪而遠適他國有不修弔禮而自相聘問固將以是為可舉而不廢也卒至漢文以日易月後世不能復其所由來漸矣春秋備書其義自見

### 猶三望

三望者公羊曰祭泰山河海夫天子有天下凡宇宙之內名山大川皆其所主也故得祭天而有方望無所不通諸侯有一國則境外之山川他人所主者而可以望乎季氏旅於泰山冉求不能救而夫子責之者為泰山魯侯所主也大夫何與焉季氏不得旅泰山則河海非魯之封內其不得祭亦明矣猶者可已不當為之詞

**音註**  
為去聲與音預

襄七  
嬰

葬匡王

四月而葬王室不君其禮略也微者往會魯侯不臣其情慢也或曰宣王親之者也而常事不書非矣崩葬始終之大變豈以是為常事而不書也

楚子伐陸渾之戎

**音註**

陸渾之戎按地志陸渾戎在秦晉西北允姓之

戎號之後為秦晉遷于伊川遂從戎號渾尸門反

夷狄相攻不志此其志何也為陸渾在王都之側戎夏雜處族類之不分也楚又至洛觀兵于周疆問鼎之大小輕重焉故特書于策以謹華夷之辨禁猾夏之階

夏楚人侵鄭

按左氏晉侯伐鄭鄭及晉平而經不書者仲尼削之也鄭本以晉靈不君取賂釋賊為不

背音

足與似也而往從楚非矣今晉成公初立背僭竊偽邦而歸諸夏則是反之正也春秋大改過許遷善書楚人侵鄭者與鄭伯之能反正也故獨著楚人侵掠諸夏之罪爾鄭既見侵於是則及晉平可知矣

秋赤秋侵齊

**音註**

赤秋始見經先儒謂唐叔子孫別在狄者謂之赤秋白衣

俗尚赤衣白衣也地譜云洛州春秋赤秋之地

宋師圍曹

按左氏宋文公即位盡逐武穆之族二族以曹師伐宋然不書于經者二族以見逐而舉兵非討罪也及宋師圍曹報武氏之亂而經書之者端本清源之意也武穆二族與曹之師奚為至於宋哉不能反躬自治恃眾強以報之兵革何時而息也宋惟有不赦之罪莫

之治也故  
書法如此

冬十月丙戌鄭伯蘭卒

**音註** 穆公卒靈  
公夷立

葬鄭穆公

**丙辰**

定王四年 **音註** 晉成二 齊宣四 衛成三十 蔡文十 鄭  
二年 靈公夷元年 弒曹文十三 陳靈九 杞

桓三十二 宋文六  
秦共四卒 楚莊九

春王正月公及齊侯平莒及邾莒人不肯公伐

莒取向 **音註**

**音註** 邾已姓國音淡今為東海郡 莒  
邑音餉今為承縣 莒邾二國相

怨故公與齊  
侯共平之

心不偏黨之謂平以此心平物者物必順以  
此心平怨者怨必釋惟小人不能宅心之菴

**強上**

是也雖以勢力強之而有不獲成者矣夫以  
齊魯大國平邾莒小邦宜其降心聽命不待  
文告之及也然而莒人不肯則以宣公心有  
所私係失平怨之本耳故書取以著其罪及  
所欲也平者成也取者盜也不肯者心弗允  
從莫能強之者也以利心圖成雖強大不能  
行之於弱小春秋書此戒後世之不知治  
其本者故行有不得者反求諸已斯可矣

秦伯稻卒 **音註**

共公卒  
桓公立

夏六月乙酉鄭公子歸生弒其君夷 **音註**

靈公  
弒弟

襄公  
堅立

首謀弒逆者公子宋也懼譖而從之者歸生  
也而以歸生為首惡何也夫亂臣賊子欲動  
其惡而不從者未有能全其身而不死也故  
季子然問仲由冉求其從之者歟子曰弒父

與君亦不從也是以死節許二子矣歸生懼  
譖而從公子宋特無求路不可奪之死節耳  
書為首惡不亦過乎曰歸生與宋並為大夫  
乃貴戚之卿同執國政可以不從一也嘗統  
大師與宋戰獲其元帥已得兵權可以不從  
二也聞宋逆謀登時而覺先事誅之猶反手  
耳夫據殺生之柄仗大義以制人使人聽已  
猶大羊之伏於虎也何畏於人懼其見殺而  
從之也哉計不出此顧以畜老憚殺比方君  
父歸生之心恃矣故春秋捨公子宋而以弑  
君之罪歸之為後世鑒若司馬亮沈慶之等  
苟知此義則能討罪人不至於失身為賊所  
制矣

### 赤狄侵齊

### 秋公如齊公至自齊

君行告至常事不書宣公比年如齊而皆致  
者危之也夫以篡弑謀於齊而取國以土地  
賂齊而請會以卑屈事齊而求安上不知有  
天王下不知有方伯惟利交是奉而可保乎  
高固之事亦殆矣故比年如齊而皆致以戒  
後世之欲利有攸往者惟義之與比為可安

耳音註北去聲夫平聲

### 冬楚子伐鄭

定王五年晉成三齊惠五衛成三十一蔡文八  
三年鄭襄公堅元年曹文十四陳靈十杞  
桓三十三宋文七秦  
桓公榮元年楚莊十

### 春公如齊

### 夏公至自齊

巳丁

別必  
列反

強上  
聲

遠去  
聲

嚮換  
總反  
焉音

便去  
伊

# 秋九月齊高固來逆子叔姬

**音註**

高固齊大夫

按左氏公如齊高固使齊侯止公請叔姬焉書夏公至自齊秋齊高固來逆子叔姬罪宣公也其日來者以公自爲之主稱子者或謂別於先公之女也諸侯嫁女於大夫主大夫以與之者爲體敵也而公自爲之主壓尊致列卑朝廷慢宗廟矣夫以鄭國福小楚公子圍之貴驕強大來娶於鄭子產辭而卻之使館於外欲野賜之幾不得撫有其室而宣公以魯國周公之後逼於高固請婚其女強委禽焉而不能止惟不知以禮爲守身之幹是以得此辱也春秋詳書爲後世鑒欲人之必謹於禮以定其位不然卑巽妄說不近於禮奚足遠音註幾不得撫有其室事耻辱哉音註見左傳昭公元年

# 叔孫得臣卒

內大夫卒無有不日者以春秋魯史也其或不日則見恩數之略爾仲遂如齊謀弑子赤叔孫得臣與之偕行在宣公固有援立之私其恩數豈略而不書曰是聖人削之也君臣父子妃妾適庶人道之大倫也方仲遂以殺適立庶往謀於齊而與得臣並使也若懵然不知其謀或知之而不能救則將焉用彼相矣春秋治子赤之事專在仲遂以其內交官禁外結強鄰大惡無所分也而叔孫得臣有同使于齊之罪故特不書日以貶之若曰大夫而不能爲有無者音註現

# 冬齊高固及子叔姬來

左氏曰反馬也禮嫁女留其送馬不敢自安及廟見成婦遣使反馬則高固親來非禮也又禮女子有行遠父母者歲一歸寧今見逆逾時未易歲也而叔姬亟來亦非禮也故書

及書來以着齊罪也大夫適他國必有君命與公事否則禮法之所禁而可犯乎惠公許其臣越禮恣行而莫遏高固委其君踰境自如而不忌則人欲已肆矣凡婚姻常事不書而書此者則以為非常為後世戒也

### 楚人伐鄭

定王六年

晉成四齊惠六衛成三十一蔡文九  
鄭襄二曹文十五陳靈十一杞桓三  
十四宋文八秦桓二楚莊十一

### 春晉趙盾衛孫免侵陳

按傳稱陳及楚平荀林父伐陳經皆不書者以下書晉衛加兵於陳即陳及楚平可知矣以趙盾孫免書侵即林父無詞可稱亦可知矣愛人不親反其仁治人不治反其智晉嘗

父音 而治 人平 治

命上將帥師救陳又再與之連兵伐鄭今而即楚無乃於已有闕蓋亦自反可也不內省德遽以兵加之則非義矣故林父不書伐而盾免書侵以見晉人所以主盟非其道也

音註 將去聲

### 夏四月

### 秋八月螽

傳謂螽為穀災虐取於民之效也先是公伐莒取向後再如齊伐萊軍旅數起賦歛既繁戾氣應之矣夫善惡之感萌於心而災祥之應見於事宜公不知舍惡遷善以補前行之愆而用兵不息災異數見年穀不豐國用空乏卒至於改助法而稅民蓋自此始矣經於螽螽一物之變必書於策示後世天人感應之理不可誣當慎其所感也

向式 亮反 數音 朔

冬十月

春秋胡傳卷之十六終

春秋胡傳卷之十六終

夏四月

春

春秋胡傳卷之十七

春秋胡傳卷之十七

宣公中

定王七年晉成五齊惠七衛成三十三蔡文十

十五年宋文九桓三楚莊十二

春衛侯使孫良夫來盟

為去聲

來盟為前定者嘗有約言矣未足效信而釋疑又相軟血固結之爾是盟衛欲為晉致魯而魯專事齊初未與晉通也必有疑焉而衛侯任其無咎故遣良夫來為此盟而公卒見辱盟非春秋之所貴義自見矣

夏公會齊侯伐萊音註萊東方小國



秋公至自伐萊大旱

向式 亮反

乾音 牛

及者內為志會者外為主平莒及邾公所欲也故書及繼以取向即所欲者可知矣伐萊齊志也故書會繼以伐致即師行之危亦可知矣公與齊侯俱不修德合黨連兵恃強凌弱是以為此舉也軍旅之後必有凶年言民以征役怨咨之氣感動天變而旱乾作矣其以大旱書者或不雩或雖雩而不雨也不雩則無恤民憂國之心雩而不雨格天之精意矣

冬公會晉侯宋公

文

衛侯

成

鄭伯

襄

曹伯

文

于

黑壤音註

黑壤晉地一名黃父

會而不得見不以不得見為諱盟而不與盟不以不與盟為諱則曲不在公而主會盟者之

歉若 單反

蕪若 劫反

庚申

定王八年

晉成六

齊惠八

衛成三十四

蔡文十

鄭襄四

曹文十七

陳靈十三

杞桓

桓四 莊十三

春公至自會

夏六月公子遂如齊至黃乃復

音註

黃齊地

至黃乃復壅君命也有疾亦不復可乎大夫以君命出聞喪徐行而不返未致事而死以

尸將事楚伐吳陳侯使公孫貞子往吊及良而卒將以尸入吳人辭焉上介芊尹盖曰寡君使蓋備使吊君之下吏無祿使人逢天之感大命隕墜絕世于良廢曰供積一日遷次今君命逆使人曰無以尸造于門是我寡君之命委于草莽也無乃不可乎吳人不敢辭君子以為知禮乃者無其

**音註**

使去聲並同積音漬

辛巳有事于大廟仲遂卒于垂

**音註** 大音秦垂齊地

有事言時祭此公子遂也曷為書字生而賜氏俾世其官也曷為書卒以事之變卒之也古者諸侯立家大夫卒而賜氏其後尊禮權臣寵遇貴戚而不由其道於是乎有生而賜氏其在魯則季友仲遂是也襄仲殺患及視援立宣公而宣公深德之故生而賜氏使世大夫以答之也經於其卒書族以志變法之端為後世戒

壬午猶繹萬人去籥

**音註** 去起呂反籥羊略反

繹者祭之明日以賓尸也猶者可已之詞萬舞也以其無聲也故人而遂用籥管也以其有聲也故去而不作是謂故知不可存其邪心而不能格也禮大夫卒當祭則不告終事而聞則不繹不告者盡肅敬之誠於宗廟不繹者全始終之恩於臣子今仲遂國卿也卒而猶繹則失寵遇大臣之禮矣春秋雖隆君抑臣而體貌有加焉則廉陛益尊而臣節彌後世法家專欲降君而不得其道至於犬馬國人相視大倫滅矣聖人書法如此存君臣之義也

戊子夫人嬴氏薨

**音註** 嬴氏宣公母也

敬嬴文公妾也何以稱夫人自成風聞季友之繇事友而屬其子及僖公得國立以為夫

遜音 遂 昭芳 鳳反

惡去 声

被皮 哥反

人於是乎嫡妾亂矣春秋於風氏凡始卒四  
貶之則禘于太廟秦人歸遜榮叔舍昭召伯  
會葬去其姓氏不稱夫人王再書而無天是  
也敬嬴又嬖私事襄仲而屬宣公不待致于  
大廟援例以立則從同同而無貶矣其意若  
曰以義起禮為可繼苟出於私情而非義後  
雖欲正音註救反

晉師白狄伐秦音註白狄始

晉主夏盟糾合諸侯攘夷狄安諸夏乃其職  
矣秦入之怨起自侵崇其曲在晉責已可也  
既不知自反釋怨脩睦以補前過已可咎矣  
乃復興師動眾會戎狄以代之獨不惡傷其  
類乎直書于策貶自見矣

楚人滅舒蓼音註舒蓼二國名地譜上義陽之  
蓼先已滅於楚此即如舒鳩

舒庸蓋群舒別種非二國也

按詩稱戎狄是膺荆舒是懲在周公所懲者  
其自相攻滅中國何與焉然春秋書而不削  
者是時楚人疆舒蓼及滑汭盟吳越勢益強  
大將為中國憂而民有被髮左衽之患矣經  
斯世者當以為懼有攘却之謀而不可忽則  
聖人之意也

秋七月甲子日有食之既

冬十月己丑葬我小君敬嬴音註敬嬴敬諱  
嬴姓也

成風薨以夫人葬以小君將祔于廟而始有  
二夫人也則四貶之以正其事今敬嬴亦薨  
以夫人葬以小君使祔于廟無貶以正之從  
同同可也而於宣公元年即以所逆穆姜婦  
之何也曰婦有姑之詞見敬嬴遂以子貴援  
例而亟立為夫人也僖公享國八年然後致

成風而敬羸之亟也雖云援例魯君臣之責亦可知矣無貶而書法若此者猶桓宣弒君而書即音註附音

### 雨不克葬庚寅日中而克葬

敬羸以其子宣公屬諸襄仲殺太子及其母弟雖假手於仲實敬羸之謀也經書子赤卒夫人姜氏歸於齊其文無貶而讀者有傷切之意焉則以秉尋不可滅也傳謂哭而過市市人皆哭敬羸逆天理拂人心之狀慘矣其於終事雨不克葬著咎徵焉而謂無天道乎此皆直書以見人心與天理之不可誣者也夫喪事即遠有進無退浴于中雷飯于牖下小斂于戶內大斂于阼階賓於客位遷于廟祖于庭崩于墓以吊賓則其退有節以虞事則其祭有時不為雨止禮也雨不克葬喪不以制也或曰葬先遠日所以避不懷也諸

屬音 燭

飯扶 晚反 歛力 念反

朝音 潮

侯相朝與旅見天子入門而雨霑服失容則廢矧送終大事人情所不忍遽者反可冒雨不待成禮而葬乎際車載簣笠士喪禮也有國家者乃不能為雨備何也且公庭之於墓次其禮意固不同矣不得不可以為悅無財不可以為悅得之為有財古之人皆有焉而不能為之備是儉其親也不亦薄乎故穀梁子曰雨不克葬喪不以制也厚葬古人之所戒而墨之治喪也以薄又君子之音註救反所不與故喪事以制春秋之旨也音註救反壙通鄧反下棺也

城平陽音註 今泰山有平陽縣

### 楚師伐陳

辛酉 定王 九年 晉成七卒 齊惠公九 衛成三十五卒 蔡文十一 鄭襄五 曹文十八 陳靈十



冬十月癸酉衛侯鄭卒

音註 成公卒子 穆公遨立

晉成公何以不葬魯不會也衛成公何以不葬亦魯不會也衛成事晉甚謹而魯宣公獨深向齊衛欲為晉致魯故謀黑壤之會而特使孫良夫來盟以定之也及會於黑壤而晉人止公賂然後免是以扈之會皆前日諸侯而魯獨不往二國繼以喪赴亦皆不會此所謂無其事而闕其文者也或曰二君皆有貶焉故不書葬誤矣魯人不會亦無貶乎書卒而以私怨寔禮忘親其罪已見春秋文簡而直視人若若日月之無私照也曲生意義失之

遠 音註 為去聲 矣 見音現

宋人圍滕

圍國非將卑師少所能辦也必動大眾而使大夫為主帥明矣然而稱人是貶之也滕既

小國又方有喪所宜矜哀弔恤之不暇而用兵革以圍之比事以觀知見貶之罪在不在

矣 音註 將去聲 比音皮

楚子伐鄭晉卻缺帥師救鄭

數音 對舍 聲

楚兵加鄭數矣或稱人或稱爵何也鄭自晉成公初立舍楚而從中國正也楚人為是興師而加鄭不義矣故宣公三年書人書侵罪之也次年鄭公子歸生弑其君諸侯未有聲罪致討者而楚師至焉故特書爵與之也然興師動眾賊則不討惟服鄭之為事則非義舉矣故又次年傳稱楚子伐鄭而經書人再貶之也至是稱爵豈與之乎按公羊例君將不言帥師書其重者也至此書爵見其陵暴中華以重兵臨鄭矣何以知其非與之乎曰下書晉卻缺帥師救鄭則知其非與之也由此觀春秋書法皆欲治亂賊之黨謹革夷之

辨以一字為褒  
貶深切著明矣

### 陳殺其大夫洩冶

**音註**  
洩音泄  
冶音也

稱國以殺者君與用事大臣同殺之也稱其大夫則不失官守而殺之者有專輒之罪矣洩冶無罪而書名何也冶以諫殺身者也殺諫臣者必有亡國弑君之禍故書其名為徵舒弑君楚子滅陳之端以垂後戒此所謂義係於名而書其名者也比下諫而死子曰商有三仁焉洩冶諫而死何獨無褒詞夫語默死生當其可而止爾洩冶之盡言無隱不愧乎史魚之直矣方諸比干自靖自獻于先王則未可同日而語也冶雖效忠其猶在宋子哀魯叔盼之後乎故仕於昏亂之朝若與姓者如子哀潔身而去可也其貴滅卿不食其祿如叔盼善矣

**音註**  
穉去聲

戊壬

定王十年

晉景公孺元年齊惠十卒衛穆公速元年蔡文十三鄭襄六曹文十九陳

靈十五弑杞桓三十八宋文十二秦桓六楚莊十五

### 春公如齊公至自齊

此亦如齊亦致其至而不書月上九年亦如齊亦致其至而書月者為是年夏使仲孫蔑如京師故特於歲首書王正月以著宣公之罪而君臣名分之際謹嚴如此也歸田以為私惠比於君臣名分之際則大小不侔矣

### 齊人歸我濟西田

宣公於齊順其所欲既以女妻其臣又以與會伐萊之舉又每歲往朝於齊廷雖諸侯事天子無是禮也故惠公悅其能順事已而以所取濟西田歸之也歸驪及闡直書曰歸此

妻去聲

分去聲

夫音

獨書我者乃相親愛惠遺之意深著齊人助成弒逆之罪也或謂濟西魯之本封故書我則誤矣以柔巽卑屈事人不以其道而得地與悅人之柔巽卑屈事已不以其道而歸其地皆人欲之私而非義矣

夏四月丙辰日有食之

巳巳齊侯元卒

**音註**

惠公卒子頃公立

齊崔氏出奔衛

**音註**

崔氏謂齊夫人崔杼

按左氏崔杼有寵於惠公高國畏其逼也公卒而逐之奔衛書曰崔氏以族奔也許翰以謂崔杼出而能反反而能弒者以其宗疆於此舉氏辨之早也其說得矣所謂譏世卿者非公羊本旨蓋門弟子因尹氏武氏稱世卿而附益之於此爾經有事同而詞異亦有事異而詞同一視之則泥而不通矣

**音註**

泥去聲

公如齊

**音註**

魯朝於齊止此

五月公至自齊

文約而事詳者經也春如齊朝惠公夏如齊奔其喪若是雖不致可也而皆致者甚之也天王之喪不奔欲行郊禮而汲汲於奔齊惠公之喪天王之葬不會使微者往而公孫歸父會齊惠公之葬其不顧君臣上下尊卑之等所謂肆人欲滅天理而無忌憚者也詞繁而不殺聖人之情見矣

癸巳陳夏徵舒弒其君平國

**音註**

靈公弒子成公午立

陳靈公之無道也而稱夫人之名氏以弒何也禍莫大於拒諫而殺直臣忠莫顯於身見



洩音  
泄治  
音也

缺如  
字

父音  
甫

見音  
現

好去  
戶

### 六月宋師伐滕

殺而其言驗洩治所為不憚斧鉞盡言於其君者正謂靈公君臣通於夏徵舒之家恐其及禍不忍坐觀故昧死言之靈公不能納又從而殺之卒以見弑而亡其國此萬世之大戒也特書徵舒之名氏以見洩治忠言之驗靈公見弑之由使有國者必以遠色脩身包容狂直開納諫諍為心也以為罪不及民故稱大夫以弑者非經意矣

### 公孫歸父如齊葬齊惠公

前圍滕稱人刺伐喪也此伐滕稱師譏用眾也宋大國歸上公霸主之餘業力非不足也今鄰有弑逆不能聲罪致討乃用大眾以伐所當矜恤之小邦且滕不事已無乃已德猶有所闕而滕何尤焉故特稱師以著其罪而汲汲於誅亂臣討賊子之意見矣

### 晉人宋人衛人曹人伐鄭

歸父仲遂之子貴而有寵宣公深德齊侯之能定其位而又以濟西田歸之也故生則傾身以事之而不辭於屈辱沒則親往奔喪而使貴卿會其葬亦不顧天王之禮闕然莫之供也此事考辭義自見矣

### 秋天王使王季子來聘

**音註** 王季子即劉康公周聘止此

按左氏鄭及楚平諸侯伐鄭取成而還其稱人貶也鄭居大國之間從於疆令豈其罪乎不能以德鎮撫而用力爭之是謂五十步笑百步庸何愈於楚自是責楚益輕罪在晉矣

公羊傳曰王季子者王之母弟也王有時聘以結諸侯之好禮也宣公享國至是十年不朝于周而比年朝齊不奔王喪而奔齊侯喪不遣貴卿會匡王葬而使歸父會齊侯之葬

縱未舉法勿聘焉猶可也而使王季子來王靈益不震矣自是王聘春秋亦不書矣

公孫歸父帥師伐邾取繹音註而征伐在大

夫故自取繹凡取皆不書其人自伐杞凡伐皆不書公

用貴卿為主將舉大衆出征伐不施於亂臣賊子奉天討罪而凌弱侵小近在邦域之中附庸之國是為盜也當此時陳有弒君之亂既來赴告藏存諸侯之策矣魯不是圖而有事於外不亦慎乎故四國伐鄭貶而音註將稱人魯人伐邾特書取繹以罪之也音頤

大水

季孫行父如齊

冬公孫歸父如齊音註齊止此

按左氏行父如齊初聘也歸父如齊邾故也齊侯嗣立宣公親往奔其父喪又使貴卿會葬矣若待逾年然後修聘未晚也而季孫亟行歸父既往則以宣公君臣不知為國以禮而謂妄說取人以免於討也歸父貪於取繹畏齊而往蓋理曲則氣必餒矣能無畏乎哉春秋備書而不削以著其罪為後世鑒也

齊侯使國佐來聘音註國佐即國武子○齊

葬之速也太不懷也又未逾年而以君命遣使聘於鄰國則哀戚之情忘矣孟子曰養生不足以為當大事惟送死可以當大事滕文公五月居廬未有命戒及至葬顏色之戚哭泣之哀甲者大悅而有願為其氓者蓋禮義人心之所同然也齊頃公嗣位之初舉動如此

說音

使去聲

頃平聲

喪師失地幾見執獲豈特婦人  
笑客之罪哉已失守身之本矣

饑

### 楚子 莊 伐鄭

經有詞同而意異者比事以觀斯得之矣九年楚子伐鄭稱爵者貶詞也若曰國君自將恃強壓弱憑陵中夏之稱也知然者以下書晉卻缺帥師救鄭則貶楚可知矣此年楚子伐鄭稱爵者直詞也若曰以實屬辭書其重者而意不以楚為罪也知然者以傳書晉土會救鄭遂楚師于潁北而經削之則責晉可知矣此類兼以傳為案者也

亥祭

定王 十有一年

九年 成公十年元年 杞桓公三十九 鄭襄七年 鄭文二十 宋文十三 秦桓七 楚莊十六

### 春王正月

夏楚子

莊 陳侯

成 鄭伯

襄 盟于辰陵

音註

辰陵 陳地

○序楚子於陳侯鄭伯之上初予楚莊以伯也

佩音

晉楚爭此二國為日久矣今陳鄭背晉從楚盟于辰陵而春秋書之無貶詞者豈與其下喬木入幽谷乎中國不能令則夷狄進矣經之大法在誅亂臣討賊子有亂臣則無君有賊子則無父無父無君即中國變為夷狄人類殄為禽獸雖得天下不能一朝居也今魯與齊方用兵伐莒晉與狄方會於攢函而不謀少西氏之逆也而楚人能謀之所謂禮失而求之野夷狄之有君不如諸夏之亡也辰陵之盟所以得書於經而詞無貶乎聖人討賊之意可謂深切著明矣

音註

背音 佩

公孫歸父會齊人伐莒

秋晉侯會狄于攢函音註

攢函狄地攢才端反函音咸。楚方倡義

於天下而晉孜孜於群狄至往會焉晉卑甚矣

春秋正法不與夷狄會同分類也書會戎會狄會吳皆外詞也內中國故詳外四夷故略不能討則四隣諸侯宜有請矣而魯方會齊伐莒晉方未成於狄是失肩背而養其一指不能三年而總小功之察不亦值乎凡此直書其事不得貶絕而義自見者也

冬十月楚人殺陳夏徵舒音註

不言楚子而稱人討賊之辭也

以是為國人殺之也

丁亥楚子入陳音註

楚人國書莊始此。先書殺後書入予楚以討賊之

義也不以利陳累莊王也

稱人者眾辭也大惡人人之所共惡人人之所得討其稱楚人殺徵舒諸夏之罪自見矣按左氏傳楚子為夏氏亂故謂陳人無動將討於少西氏遂入陳殺徵舒轅諸栗門而經先書殺後書入者與楚子之能討賊故先之也討其賊為義取其國為貪舜跖之相去遠矣其分乃在於善與利耳楚莊以義討賊勇於為善舜之徒也以貪取國急於為利跖之徒矣為善與惡特在一念湏臾之間而書法如此故春秋傳心之要典不可以不察者也或曰聖人大改過楚雖縣陳能聽申叔時之說而復封陳可謂能改過矣猶書入陳以貶之何也曰楚莊意在滅陳雖復封之然鄉取一人焉以歸謂之夏州而又納其亂臣是制

復扶又反

使去聲

人之上下使不得其君臣之道也。晉人以幣如鄭問駟乞之立故子產對曰若寡君之二三臣而晉大夫專制其位是晉之縣鄙也何國之為辭客幣而報其使。晉人舍之他國非所當與也。而必欲納其亂臣存亡興滅其若是乎。仲尼重傷中國深美其有討賊之功。故特從末減不稱取陳而書入。雖曰與之可矣。

**音註**

辭客幣而報其使。晉人舍之事。

見左傳昭公十九年

### 納公孫寧儀行父于陳

此二臣者從君於昏宣淫於朝誅殺諫臣使其君見弑蓋致亂之臣也。肆諸市朝與眾同棄然後快於人心。今乃詭辭奔楚託於討賊復讐以自脫其罪。而楚莊不能察其反覆又使陳人用之。是猶人有飲毒而死者幸而復生又疆以毒飲之可乎。故聖人外此二人於

覆音 福 飲去

登

陳而特書曰納。納者不受而強納之者也。為楚莊者宜柰何。諸微舒之官封洩冶之墓。孔寧儀行父於朝謀於陳。眾定其君而去其庶幾乎。

**音註**

諸音

### 春葬陳靈公

計賊者非臣子也。何以書葬。天下之惡一也。本國臣子或不能討而上有天王下有方伯又其次有四隣有同盟有方域之諸侯有國夷之君長與凡民皆得而討之。所以明大倫存天理也。微舒雖楚討之陳之臣子亦可以釋怨矣。故得書葬。君子同也。

### 明傳卷之十七

終

長上聲

甲子

禮相四十一宋文十四

十有二年

晉景三齊項二

禮穆三齊文十



造七  
到反

按公羊傳例戰不言伐圍不言戰入不言圍  
滅不言入書其重者楚子縣陳蓋滅之矣而  
經止書入其於鄭也入自皇門至於達道蓋  
即其國都矣而經止書圍曷為悉從輕典不  
著其憑陵諸夏之罪乎上無天王下無方伯  
天下諸侯有臣弑君子弑父諸夏不能討而  
夷狄能討之春秋取大節略小過雖如楚子  
憑陵上國近造王都之側猶從未滅於以見  
誅亂臣討賊子正

**音註**

達道左傳作達  
路公羊作路衢

夏六月乙卯晉荀林父帥師及楚子戰于邲晉

師敗績

**音註**

邲鄭地

戰而言及主乎是戰者也按左氏晉師救鄭  
經既不以救鄭書矣又不言楚晉戰于邲而  
使晉主之何也鄭人弑君晉不討賊而楚能  
討之楚人圍鄭亦既退師與鄭平矣而又與

勦于  
小反

害反  
句苦

之戰則非觀釁之師也故釋楚不貶而何  
主之獨與常詞異乎按邲之役六卿並在大  
夫司馬皆具官不欲剿民者三帥也違命濟  
師者先穀也而獨罪林父何也尊無二上定  
于一也古者伏鉞臨戎專制閭外雖君令有  
所不受况其屬乎樂書救鄭軍師之欲戰者  
八人武子遂還眾不敢遏偃陽之舉句偃二  
將皆請班師荀瑩令曰七日不克必爾乎取  
之遂下偃陽林父既知無及於鄭焉用之矣  
諸帥又皆信然其策先穀若獨以申軍佐濟  
者下令三軍無得妄動按軍法而行辟夫豈  
不可既不能令乃畏矢屬亡師之罪而從韓  
獻子分惡之言知難而冒進是棄晉師於誰  
責乎故後誅先穀不去其官此稱敗績特以  
林父主

**音註**

樂書救鄭軍師之欲戰者八人

成公六年偃陽之舉句偃二將皆請班師荀  
瑩令曰七日不克必爾乎取之遂下偃陽事

見左傳襄公十年

秋七月

冬十有二月戊寅楚子滅蕭音註

蕭宋附庸國

假於討賊而滅陳春秋以討賊之義重也末減而書入惡其貳已而入鄭春秋以退師之情恕也未減而書圍與人為善之德宏矣至是肆其強暴滅無罪之國其志已盈雖欲赦之不得也故傳稱蕭潰經以滅書斷其罪也孟子曰以力假仁者伯伯必有天國楚莊蓋以力假人不能久假而遽歸者也建萬國親諸侯者先王之政興滅國繼絕世者仲尼之法今乃滅人社稷而絕其祀亦不仁甚矣蕭既滅亡必無赴者何以得書於魯史楚滅陳入鄭大敗晉師於邲莫與校者不知以禮制心至於驕溢克伐怨欲皆得行焉遂以滅

傳斷並去聲

蕭告赴諸侯矜其威力以恐中國耳孟子定其功罪以五伯為三王之罪人春秋史外傳心之要典推此類求之斯得矣

晉人宋人衛人曹人同盟于清丘音註

清丘衛地。書

人同盟猶曰人自為盟也書法如惡曹鹿上中國又無伯也

書同盟志同欲也或以惡其反覆而書同盟非也春秋不貴盟誓自隱公始年書儀父盟茂宋人盟宿已不實言矣奚待清丘然後惡反覆乎清丘載書恤病討貳口血未乾敗其盟好所謂不待貶而惡見者也又奚必人諸國之卿然後知反覆之可罪乎楚既入陳圍鄭大敗晉師伐蕭滅之憑陵中國甚矣為諸侯計者宜信任仁賢脩明政事自強於為善則可以保其國耳魯不是圖而刑牲軟血要質鬼神斲以禦楚謀之不臧孰大於是故國

乾音于奸去声



喪去  
聲

卿貶而稱人譏失職也原穀違命喪師乃晉國罪人而主茲盟約所信任者皆可知矣

音註  
祈 勸音

### 宋師伐陳衛人救陳

陳有滅君之亂宋不能討而楚能討之雖曰縣陳尋復封之其德於楚而不貳未足責也宋人不能內自省德遽以大衆伐之謂義舉矣衛人救陳背盟失信而以救書者是宋師非義陳未有罪而受兵為可恤也且謀國失圖妄與師旅無休息之期則亂益滋矣其以救書意在責宋也若衛叛盟則不待貶絕而惡自見矣

丑巳

定王十一年

十有三年

晉景四齊項三衛穆四蔡文十六鄭襄九曹文二十三禮

成三杞桓四十一宋文十五晉桓九楚莊十八

### 春齊師伐莒

### 夏楚子伐宋

楚人滅蕭將以脅宋諸侯懼而同盟為宋人計者恤民固本輕徭薄賦使民效死親其上則可以待敵矣計不出此而急於伐陳攻楚與國非策也故楚人有詞于伐而得書爵

### 秋螽

### 冬晉殺其大夫先穀音註

書名以罪討

先穀違命大敗晉師元帥不能用鉞已失刑矣今又重有罪焉晉人治其罪而戮之義也曷為稱國以殺而不去其官夫兵者安危所係有國之大事也將非其人則敗雖得其人使親信問之則敗以剛復不仁者參焉而莫肯用命則敗凡此三敗君之過也河曲之戰

將問  
並去  
聲

丙寅

趙穿獨出而史駢之謀不用濟涇而次欒黶欲東而荀偃之令不行今林父初將中軍乃以先穀佐之使敵國謀臣知其從政者新未能行令誰之過歟故稱國以殺不去其官罪累上音註河曲之戰趙穿獨出而史駢之謀也音註不用事見左傳文公十二年濟涇而次欒黶欲東而荀偃之令不行事見左傳襄公十四欒黶於斬反

定王十

十有四年

晉景五齊頃四衛穆五蔡文十七鄭襄七曹文二十三卒

陳成四杞桓四十二宋文十六秦桓十楚莊十九

### 春衛殺其大夫孔達

殺大夫而書名氏義不繫於專殺也孔達棄信以免社稷衛人按其罪而誅之可也何歎稱國而不去其官用人謀國于犯盟主至於見討誰之過歟稱國以殺不去其官罪繫上

也春秋端本清源故書法如此

### 夏五月壬申曹伯壽卒

音註

文公卒子宣公廬立

### 晉侯伐鄭

按左氏傳為邲故也比事以觀知其為報怨復讐之兵詞無所貶者直書其事而義自見矣音註見音現

### 秋九月楚子

莊

### 圍宋

要平聲

宋人要結盟誓欲以禦楚已非持國之道輕舉大眾勦民妄動又非恤患之兵特書救陳以著其罪明見伐之由也國必自伐然後人伐之凡事其作始也簡其將軍也必巨易於訟訟而君子以作事謀始始而不謀必至於訟訟而不竟必至於師若宋是矣始謀不臧

幾半聲

### 葬曹文公

至於見伐見圍幾亡其國則自取之也春秋端本故責宋為深若蠻夷圍中國則亦明矣

### 冬公孫歸父會齊侯于穀

扶夫音

夫禮別嫌明微制治於未亂自天子出者也列國之君非王事而自相會聚是禮自諸侯出矣以國君而降班失列下與外臣會以外臣而抗尊出位上與諸侯會是禮自大夫出矣君若贅旒陪臣執命豈一朝一夕之故其所由來漸矣故易於坤之初六日馴致其道至堅冰也易言其理春秋見諸行

卯丁

定王十有五年晉景六齊頃五衛穆六蔡文年陳成五杞桓四十三宋文十九秦桓十一楚莊二十周

### 春公孫歸父會楚子

莊于宋

音註晉大夫始特會楚

楚子不假道於宋以啓釁端而圍之陵蔑中華甚矣諸侯縱不能畏簡書攘夷狄存先代之後嚴兵固圉以為聲援猶之可也乃以周公之裔千乘之國謀其不免至於薦賄不亦鄙乎若此類聖人不徒筆之於經也比事以觀則知中國夷狄盛衰之由春秋經世之略矣

音註

比去聲

### 夏五月宋人

文

### 及楚人

莊

### 平音註

凡平不書必

而後書文九年陳平不書宣十年鄭平不書僖二十四年宋嘗及楚平矣不書必莊王得宋天下將有南北之勢始書之

垂惡並去聲

此華元子反二國之卿其稱人何賤也春秋賤欺詐惡侵伐二卿不愛其情釋怨解紛使

行去聲

橫去聲

將去聲

宋無亡國之憂楚無滅國之罪功亦大矣宜  
在所褒何以貶也善則稱君過則稱已則民  
作忠今二卿自以情實私相告語取必於上  
以成平國之功而其君不預知焉非人臣之  
義也世衰道微暴行交作君有聽於臣父有  
聽於子夫有聽於婦中國有聽於夷狄仲尼  
所為懼春秋所以作也故平以解紛雖其所  
欲而平者在下則大倫紊矣聖人明其道不  
計其功故褒貶如此然則臣而有安國家利  
社稷者專之不可乎曰專之而可者謂境外  
也子反在君之側無奏報之難幾會之夫奚  
急於平而專之若是哉或曰子反攘善則知  
其罪矣華元救國急難而紓其情實何如焉  
夫宋先代之後武王所封以備三恪橫見侵  
逼非有可滅之罪也若以大義責之曰子為  
上卿不能恤小助桀為虐陵我郊保圍我城  
郭欲滅我社稷縱子得之何面目見中華之  
士乎使子反果忠楚莊果賢必為義動退師

止眾結盟而反矣何必輕見情實蹈不測之  
險乎後世羊陸效其所為交歡邊境而議者  
以為非純臣也  
知春秋之法矣

### 六月癸卯晉師滅赤狄潞氏以潞子嬰兒歸音

**註**潞赤狄之別號潞氏  
國故稱氏子爵也

其稱曰謹之也上卿為主將略而稱師者著  
其暴也滅而舉號及氏者滅見滅之罪著滅  
者之甚不仁也潞嬰兒不死社稷比於中國  
而書爵者免嬰兒之責詞也然則攘夷狄安  
諸夏非即徐夷並與東郊不開伯禽征之儼  
猶孔熾侵鎬及方宣王伐之楚人侵鄭近在  
王畿齊侯攘之皆門庭之寇不可縱而莫禦  
者也雖禦之亦不極其兵力殄滅之無遺育  
也今赤狄未嘗侵掠晉境非門庭之寇而恃  
強暴以滅之其不仁甚矣春秋所以責晉而

畧狄也又有異焉者夫伐國之要討其罪人  
斯止矣按左氏潞子夫人晉景公之姊也酆  
舒為政而殺之又傷潞子之目則酆舒者罪  
之在也為晉計者執酆舒轅諸市立黎侯安  
定潞子改紀其政而返則諸狄服疆域安矣  
今乃利狄之士滅潞氏以其君歸何義乎春  
秋所以責晉音註徐夷並與東郊不開伯禽  
而略狄也音註征之見書費誓玁狁孔熾  
侵鎬及方宣王伐之見詩小  
雅六月鎬合老及音註音患

秦人伐晉

王札子殺召伯毛伯音註召音

王臣有書字而言子者王季子是也有書子  
而繫名者王子虎是也此稱王札子者穀梁  
以為當上之詞也其為當上之詞者矯王命  
以殺之也為天下上者天也繼天者君也君

之所司者命也為人臣而侵其君之命則不  
臣為人君而假其臣以命則不君君不君臣  
不臣天下所以傾也邢侯專殺雍子於朝叔  
向以殺人不忌為賊請施邢侯君子以為義  
王札子之罪當服此刑而天王不能施音註  
之無政刑矣何以保其國而不替乎  
邢侯專殺雍子於朝叔向以殺人不忌為賊  
請施邢侯君子以為義事見左傳昭公十四  
年朝音潮

秋螽

人事感於此則物變應於彼宣公為國虛內  
以事外去實而務華煩於朝會聘問賂遺之  
末而不知務其本者也故戾氣應之六年螽  
七年旱十年大水十有三年又螽十有五年  
復螽府庫匱倉廩竭調度不  
給而言利剋民之事起矣

遺去  
聲調  
上聲

仲孫蔑會齊高固于無婁音註

無婁 杞邑

禮之始失也諸侯非王事而自相會也無以正之不自天子出矣然後諸侯與大夫會又無以正之然後大夫與大夫會禮亦不自諸侯出矣田氏篡齊六卿分晉三家專魯理固然也不能辨於早後音註諸侯與大夫會詳雖欲正之其將能乎音註見文公元年會戚註大夫與大夫會詳見文公八年盟衡雍註

初稅畝

孟子曰耕者助而不稅則天下之農皆悅而願耕於其野矣書初稅畝者譏宣公廢助法而無稅也殷制公田為助助者籍也周因其法為徹徹者通也其實皆什一也古者上下相親上之于下則曰駿發爾私終三十里惟恐民食之不給也下之于上則曰雨我公田

爾去聲

遂及我私惟恐公田之不善也故助法行而頌聲作矣世衰道微上下交惡民惟私家之利而不竭力以奉公上惟邦賦之入而不慚但以利下水旱凶災相繼而起公田之入薄矣所以廢助法而稅畝乎初者志變法之始也其後作丘甲用田賦至於二猶不足則皆宣公啟之也故曰作法於涼其弊猶貪作法於貪幣將若何有國家者必欲克守成法而不變其必先務本乎

冬蟪生音註

蟪音緣 又完

始生曰蟪既大曰蝻秋蝻未息冬又生子災重及民也而詳志之如此者急民事謹天災仁人之心王者之務也遇天災而不懼忽民事而不脩而又為繁政重賦以感之國之危無日矣

饑

遺去聲

戊辰

定王十

四年

十有六年

晉景七

齊頃六

衛穆七

蔡文

十九

鄭襄十二

曹宣二

陳成

六

紀桓四

十四

宋文十

八

秦桓十

二

楚莊世一

春王正月晉人滅赤狄甲氏及留吁

按左氏董是役者士會也于將主其稱人貶詞也甲氏潞之遺種留吁其殘邑也春秋

於夷狄攘斥之不使亂中夏則止矣伯禽征徐夷東郊既開而止宣王伐玁狁至於大原而止武侯征戎瀘服其渠帥而止必欲盡殄滅之無遺種豈仁人之心王者之事乎士會所以貶而稱人也音註甲氏留吁赤狄之別種

夏成周宣榭火

成周天子之東都宣榭宣王之廟也按呂大臨考古圖有邾敦者稱王格于宣榭呼內史策命邾是知宣榭者宣土之廟也古者爵有德祿有功必於大廟示不敢專也榭者榭堂之制其堂無室以便射事故凡無室者皆謂之榭宣王之廟謂之榭者其廟制如榭也宣榭火何以書以宗廟之重書之也貴戚擅殺大臣而天子不討王室不復能中興矣人火之天所以見戒乎音註呂大臨藍田人字與叔程門高弟邾皮變反敦音對

秋郊伯姬來歸

按左氏郊伯姬來歸出也內女出書之策者男女居室人之大倫也婚姻之禮廢則夫婦之道苦淫辟之罪多矣復相棄背喪其配耦氓之詩所以刺衛日以衰薄室家相棄中谷有推所以閔周易叙咸恒為下經首春秋內女出夫人歸凡男女之際詳書于策所以正人倫之本也其旨微矣

音音 佩

冬大有年音註

大有年謂五穀大熟也

程氏曰大有年記異也旱乾水溢饑饉荐臻者災也山崩地震彗孛飛流者異也景星甘露醴泉芝草百穀順成者祥也大有年上瑞矣何以為記異乎凡災異慶祥皆人為所感而大以其類應之者也人事順於下則天氣和於上宣公弒立逆理亂倫水旱冬蝻蟊饑饉

乾音 干

夫音 秩

巳巳

定王十五年

十有七年

景公八年齊頃七衛穆八魯文公二十二年鄭襄十三曹宣三陳

成七年杞桓四十五宋文十

春王正月庚子許男錫我卒音註

昭公卒靈公立

丁未蔡侯甲卒音註

文公卒子景侯固立

夏葬許昭公葬蔡文公

日卒書名赴而得禮記之詳也葬而不月其略在內宣公為國務華而無忠信誠慤之心計利而不知禮義邦交之實哀死送終獨厚於齊而利害不切其身者皆闕如也大則薄



比必  
三反

其君親次則忽於盟主又其次若秦若衛若  
滕雖來告計怠於禮而不會也此事以觀義  
自見  
矣

六月癸卯日有食之

已未公會晉侯

景

衛侯

穆

曹伯

宣

邾子

定

同盟

于斷道音註

斷道晉地斷音短同盟至新城而  
再見斷道之後不曰同盟者寡矣

強上  
聲

書同盟者志同欲也大國率之小國畏威而  
從命非同欲也若斷道之盟諸侯同心謀欲伐齊  
釋其憤怒非有不得已而要之者也或以爲  
會同天子之事築宮爲壇設方明如  
友獄之盟故書同疑其說之誤矣

秋公至自會

冬十一月壬午公弟叔盼卒

稱弟得弟道也稱字賢也何賢乎叔盼宣弒  
而非之也非之則胡爲不去也兄弟無絕道  
故雖非之而不去也與之財則曰我足矣終  
身不食宣公之祿君子以是爲通恩也論情  
可以明親親言義可以厲不軌所以取貴乎  
春秋書曰公弟而稱字以表之也公子爲正  
大夫而書卒貴也不爲大夫而特書卒賢也  
或以爲叔盼寵弟在宣公有私親之愛故生  
而賜氏俾世其卿與季友仲遂比則其說誤  
矣誠使叔盼有寵生而賜氏則是貴戚用事  
之卿豈有不見於經者齊年鄭語在外之見  
於經者季友仲遂在內之見於經者勢必與  
聞政事執國命矣况宣公之時煩於聘問會  
朝之禮遂蔑季孫歸父交於鄰國衆矣而獨  
叔盼不與焉其非生而  
賜氏俾世其卿亦明矣

見音  
現下  
同

庚午

定王十有八年晉景九齊頃八衛穆九蔡景公固元年鄭襄十四曹宣四

### 春晉侯衛世子臧伐齊

增平 聲 斷音 短

保國以禮為本者也齊頃公不謹於禮自巳致寇所謂國必自伐而後人伐之矣諸侯上卿皆執國命取必於其君以行其克伐怨欲之私故盟于斷道師於陽穀大戰于鞏逞其志而後止春秋詳書於策見伐與伐者之罪皆可以為鑒矣

**音註** 鞏音安

### 公伐杞

**音註** 自是不書君將征伐在大夫也。宣公而下征伐在大夫是故自伐

邾取繹凡取皆不書其人自伐杞凡伐皆不書公

### 夏四月

### 秋七月邾人戕鄆子于鄆

戕者殘賊而殺之也于鄆者刺臣于不能救君難也夷貉無城郭宮室百官有司單車使者直造其廬帳虜其酋長者則有之矣中國則重門擊柝廉陛等威侍衛守禦之嚴奚至於坐使其君為邾人殘賊殺之而莫禦乎邾人蓋嘗執鄆子用之則不共戴天之世讐也既不能復又使邾人得造其國都而戕殺其君曰于鄆者所以深責鄆之臣子至此極也

**音註** 戕音牆 貉音麥

### 甲戌楚子旅卒

**音註** 莊王卒子共王立楚始書卒

楚僭稱王降而稱子者是仲尼筆之也其不書葬者恐民之惑而避其號是仲尼削之也若楚若吳若徐皆自王降而稱子若滕自侯降而稱子若杞自伯降而稱子四夷雖大皆

難去 難 秋反 酋慈

曰子其降而稱子者狄之也或謂春秋不擅進退諸侯亂名實則非矣述天理正人倫此名實所由定也奚名為亂哉

### 公孫歸父如晉

宣公因齊得國故刻意事之雖易世猶未怠也及頃公不能謹禮怒晉魯上卿而卻克當國決策討之晉方強盛齊少懦矣於是背齊而事晉其於邦交以利為向背無忠信誠慤之心者也按左氏歸父欲去三桓以張公室與公謀而聘於晉欲以晉人去之夫輕於背與國易於謀大家而不知其本未有能成而無悔也然則公室不可張乎務引其君當道正心以正朝廷禮樂刑政自己出也其庶幾乎必欲倚外援以去之是去疥癬而得腹心之疾也庸愈哉

郤音

傷音

### 冬十月壬戌公薨于路寢

### 歸父還自晉至笙遂奔齊音註

笙魯境也

仲尼稱孟莊子之孝其不改父之臣與父之政是難能也又曰三年無改於父之道可謂孝矣夫仁人孝子於其父之臣非有大不可如晉悼公於夷羊五之屬必有始終進退之禮而不遽也歸父以君命出使未久而君薨在聘禮有執圭復命于殯之文升自西階子臣皆哭情亦戚矣今宣公猶未殯而東門氏逐忍乎哉書曰歸父還自晉者已畢事之詞也至笙遂奔齊者罪成公君臣死君而忘父逐之亟也穀梁子曰損殯而奔其父之使者是亦奔父也得經意矣君薨家遣方寸宜亦亂而造次顛沛不失禮焉非志於仁者弗能也詞繁而不殺歸父之善自著矣比事以觀則見當國者有無君之心此春秋所以作不

造七  
到反  
殺色  
介反

可不

春秋胡傳卷之十九

成公上

公名黑眚宣公之子謚曰安民立政曰成

周

定王十七年魯成公五年定王崩子簡王立

鄭

襄公十五年魯成公四年襄公卒悼公費立成六年悼公卒弟成公踰立

齊

頃公九年魯成公九年頃公卒子靈公環立

宋

文公二十一年魯成公二十二年文公卒子共公固立成十五年共公卒子平公成立

晉

景公繼霸十年時鄧克為政魯成公四年樂書為政成十年景公有疾晉人立大子州蒲

以為君伐鄭是為厲公是年景公卒成十八年厲公弒悼公周立是年韓厥為政

衛

穆公十年魯成公二年穆公卒子定公滅立成十四年定公卒子獻公衎立

*[Faint bleed-through text from the reverse side of the page, including characters like '公名黑眚' and '宣公十八卷']*

蔡 景公 一年

曹 宣公五年魯成公十三年 宣公卒弟成公負芻立

滕 文公十年魯成公十六年 文公卒成公元立

陳 成公 九年

杞 桓公 四十七年

薛 詳見僖 公元年

莒 魯成公十四年見莒子朱卒一名渠 立公黎此公密州立又名買朱鉏

邾 定公二十四年魯成公十七年 定公卒宣公徑立

許 靈公 一年魯成公十五年 許遷于葉

小邾 詳見僖 公元年

楚 共王元年魯成公二年 載令尹子重救齊成 十六年司馬子反將中軍子重將左戰于鄢

陵敗績晉射共王 中目楚殺子反

秦 桓公十五年魯成公十四年 桓公卒子景公立

吳 魯成公七年吳伐邾始見經 卽吳子壽夢也壽夢一名乘

越 詳見隱 公元年

辛未 定十 元年 晉景十年 齊頃九年 衛穆十年 秦七年 景二年 鄭襄十五年 曹宣五年 陳成九年 杞桓四十七年 宋文二十年 一年 秦桓十五年 楚共王審元年

春王正月公即位

聲 夢 平

將 去 聲 共 平 聲

辛未

二月辛酉葬我君宣公

無冰

於六反 傳去 音現 音涸 固涸 戶故 反朝 音潮 與去 並去 戶雷 蕭學 反

寒極而無冰者常燠也按洪範傳曰豫恒燠若此政事舒緩紀綱縱弛之象成公幼弱政在三家公室不張其象已見故當涸陰沍寒而常燠應之古者日在北陸而藏冰獻羔而啟朝之祿位宿食喪祭冰皆與焉此亦燮調愆伏之一事也今既寒而燠遂廢凌人之職然策書所載皆經邦大訓人有微而不登其姓名事有小而不記其本末雨雹冰雪何以悉書天人一理也萬物一氣也觀於陰陽寒暑之變以察其消息盈虛此制治於未亂慎於微之意也每慎於微然後王事備矣

三月作丘甲

乘去 聲下 同

作丘甲益兵也古者九夫為井四井為邑四邑為丘四丘為甸甸地方八里旁加一里為成所取於民者出長轂一乘此司馬法一成之賦也為齊難作丘甲益兵備敵重困農民非為國之道其曰作者不宜作也唐太宗問李靖楚廣與周制如何靖曰周制一乘步卒七十二人甲士三人以二十五人為一甲凡三甲共七十五人然則一丘所出十有八人積四丘而具一乘耳今作丘甲者即丘出一甲是一甸之中共百人為兵矣則未知其所作者三甸而增一乘乎每乘而增一甲乎魯至昭公時嘗蒐于紅革車千乘則計甸而增乘未可知也楚人二廣之法一乘至用百有五十人則魯每乘而增一甲亦未可知也賦雖不同其實皆為益兵其數皆增三之一耳先儒或言甲非人人之所能為又以為丘出甸賦加四倍者誤矣

音註

廣古曠 反並同

夏滅孫許及晉侯盟于赤棘

初宣公謀以晉人夫三桓歸父為是見逐而奔齊矣今季孫當國恨齊人之立宣公納歸父又懼晉侯之或見討也故往結此盟赤棘晉地也其稱及魯所欲也盟非春秋所貴而惡屢盟者非惟長亂亦國用民力所難給也成公即位之初方經大故未有施舍已責逮鰥寡救乏困之事也為齊難既作丘甲矣聞將出楚師又遠與晉尋盟豈固本保邦之道乎書及晉侯盟于赤棘非特備齊懼晉蓋三桓懷忿懟君父之心將有事於齊而汲汲欲之者罪可見矣

聲去 聲長 上聲 為難 並去 聲

秋王師敗績于茅戎

音註

茅戎別種也

程氏曰王師於諸侯不言敗諸侯不可敵王也於夷狄不言戰夷狄不能抗王也不可敵

分去 聲

不能抗者理也其敵其抗王道之失也桓王伐鄭兵敗身傷而經不書敗存君臣之義立天下之防也劉康公邀戎伐之敗績於徐吾氏而經不書戰辨華夷之分立中國之防也是皆聖人筆削非魯史之舊文也然筆於經者雖以尊君父外戎狄為義而君父所以尊戎狄所以服則有道矣桓王不能討賊興師而急於伐鄭康公不以惇信持國而輕於邀戎是失其所以君天下禦四夷之道也書敗績于茅戎者言自敗也其自反亦至矣

冬十月

壬申

定王十二年

晉景十一 齊頃十 衛穆十一 卒蔡 八年 景三 鄭襄十六 曹宣六 陳成十 杞

桓四十八 宋文二十二 卒秦桓十六 楚共二

春齊侯伐我北鄙

現見音

旋遠音

並去聲 遠惡

初魯事齊謹甚雖易世而聘會不絕也及與晉侯盟于斷道而後怨隙成再盟于赤棘而後伐吾北鄙齊侯之興是役非義矣魯人為鞏之戰豈義乎同日憤兵務相報復而彼此皆無善者則亦不待貶而罪自見矣

**音註**

斷音短

夏四月丙戌衛孫良夫帥師及齊師戰于新築

衛師敗績

**音註**新築衛地衛書大夫帥師於是始

齊師侵虐而以衛主此戰何也衛侯初與晉同盟于斷道矣又使世子臧與晉同伐齊矣又使孫良夫石稷將侵齊矣及與齊師遇石稷欲還良夫不可曰以師伐人遇其師而還將謂君何若知不能則如無出今既遇矣不如戰也遂戰于新築故齊師雖侵虐而此戰以衛主之也春秋善解紛貴遠怨而惡以兵刃相接故書法如此

六月癸酉季孫行父臧孫許叔孫僑如公孫嬰

齊帥師會晉郤克衛孫良夫曹公子首及齊侯

戰于鞏齊師敗績

**音註**鞏齊地去齊五百里音安○書會四卿是各自

為帥也自文之季年而無使介至是而無將佐魯三家之勢成矣

將去聲 下同

大國三軍次國二軍魯雖大國而四卿並將是四軍也當此時舊制猶存尺地皆公室之士也一民皆公室之兵也上卿行父與僑如

嬰齊各帥一軍會戰而臧孫許如晉乞師又逆晉師為之道本不將兵特往來晉魯兩軍之間預謀議耳成公初立主幼國危為季孫

怒掃境內與師而四卿並出肆其憤欲雖無人乎成公之側有不恤也然後政自季氏

出矣將稱元帥略其副屬詞之體也而四卿皆書者豈特為詳內錄哉堅冰之戒亦明矣

屬音 燭



幾平  
聲雍  
去聲

經之大例受伐者為主而此以四國及之者以一笑之微殘民毒衆幾獲其君而怒猶未怠焚雍門之茨侵車東至海故以四國主之為憤兵之大戒見諸行事深切著明矣

秋七月齊侯使國佐如師已酉及國佐盟于素

婁音註 素婁齊地去齊五十里。楚屈完來盟于師齊桓公退師而後盟于召陵修禮

於楚也齊侯使國佐如師晉卻克進師而後盟於素婁不禮於齊也夫以齊桓公之所不敢而四國之大夫敢為之甚矣蓋戰之忿也

召音  
即  
橫去  
聲

齊國佐如師與楚屈完來一也然陘之役則曰來盟于師盟于召陵蓋之戰則曰及國佐盟于素婁何也荆楚暴橫憑陵諸夏齊桓公仗義聲罪致討威行江漢之上不待加兵而楚人帖服其書來盟于師者楚人自服而來盟也盟于召陵者桓公退舍禮與之盟也在

扶  
夫音

去聲  
為去  
與去  
聲

春秋時斯為善矣若夫素婁則異於是齊雖侵虐未若荆楚之暴也諸國大夫含憤積怒欲雪一笑之耻至於殺人盈野非有擊強扶弱之心國佐如師將以賂免非服之也晉大夫又不以德命使齊人盡東其畝而以蕭同叔子為質夫蕭同叔子齊君之母也則亦悖矣由是國子不可請合餘燼背城借一揖而去之卻克使魯衛之使以其詞為之請逮于素婁而與之盟則汲汲欲盟者晉也故反以晉人及之若此類見曲直之繩墨矣是故制敵莫如仗義天下莫大於理而強有力不與焉亦可謂深切著明矣

八月壬午宋公鮑卒音註 文公卒子共公固立

唐寅衛侯速卒音註 穆公卒子定公立

取汶陽田音註 汶陽魯地汶音問

處  
上

汶陽之田本魯田也取者得非其有之稱不  
曰復而謂之取何也恃大國兵力一戰勝齊  
得其故壤而不請於天王以正疆理則取之  
不以其道與得非其有奚異乎然則宜柰何  
考於建邦土地之圖若在封域之中則先王  
所錫先祖所受經界世守不可亂矣不然侵  
小得之春秋固有與滅國繼絕世之義必有  
處也魯在戰國時地方五百里而孟氏語慎  
子曰知有王者作在所損乎在所益乎經  
於復其故田而書取所損益亦可知矣

### 冬楚師鄭師侵衛

十有一月公會楚公子嬰齊于蜀音註

蜀魯地  
自屈

完以來楚大夫皆無氏  
族而書公子自嬰齊始

按左氏魯衛受盟于晉從於伐齊故楚為陽  
橋之役令尹子重曰師衆而後可於是王卒

質去  
聲

行遠  
並去  
聲  
懣七  
感反

盡行二國稱師著其衆也侵衛則書侵我師  
于蜀致賂納質沒而不書非諱也書其重者  
則莫重乎其以中國諸侯降班失列下與夷  
狄之大夫會也季孫行父為國上卿當使其  
君尊榮其民免於侵陵之患而危辱至此持  
起於忿悻肆其褊心而不知制之以禮也書  
曰必有忍乃其有濟懲忿窒慾德之脩也不  
悻不求行之善也躬自厚而薄責於人遠怨  
之方也季孫忿悻弗能懲也而辱逮君父不  
亦僭乎故春秋史外傳心之要典也攷其行  
事深切著明於以反  
求諸已則亦知戒矣

丙申公及楚人秦人宋人陳人衛人鄭人齊人

曹人邾人薛人鄆人盟于蜀音註

楚於是始與  
中國準自此

以下楚卿不  
書皆貶惡也

要平  
聲好  
去聲

盟而魯與必先書公尊內也次書主盟者衆所推也此書公及楚人則知主盟者楚也公子嬰齊秦右說宋華元陳公孫寧衛孫良夫鄭去疾皆國卿也何以稱人楚僭稱王春秋黜之比諸夷狄晉雖不競猶主夏盟諸侯苟能任仁賢修政事保固疆圉要結隣好同心擇義堅事晉室荆楚雖大何畏焉今乃西向服從而與之盟不亦耻乎古者用夏服夷未聞服於夷也乃是之從亦為不善擇矣經於魯君盟會不信則諱公而不書不臣則諱公而不書棄中國從夷狄則諱公而不書蜀之盟棄晉從楚書公不諱何也事同而既貶則從同同正始之義也從荆楚而與盟既諱公於僖十九年齊之盟矣是以於此不諱而人諸侯之大夫以見意也

癸酉

定王十三年

三年

晉景十二齊頃十一衛定公臧元年蔡景四鄭襄十七曹宣七陳成

十一祀桓四十九宋共公  
固元年秦桓十七楚共三

### 春王正月公會晉侯宋公衛侯曹伯伐鄭襄

按左氏諸侯伐鄭討邲之役也遂東侵鄭公子偃帥師禦之覆諸鄆敗諸丘輿夫討邲之役則復怨勦民非觀釁也遂東侵則潛師掠境非以律也覆而敗諸則專用詐謀非正勝也度彼參此皆無善也略而不紀勝負微也晉侯稱爵而以伐書何也初為是役必以鄭之從楚也附蠻夷擾中國則盟主有詞于伐耳宋衛未葬曷為稱爵背殯越境以吉禮從金革之事也

音註

邲音弼鄭音弼

### 辛亥葬衛穆公

### 二月公至自伐鄭

背音  
佩

度待  
洛反

甲子新宮災三日哭

廟災而哭禮也得禮為常事則何以書緱氏  
劉絢曰新宮者宣宮也不曰宣宮者神主未  
遷也知然者丹楹刻桷皆稱桓宮此不舉謚  
故知其未遷也宮成而主未入遇災而哭何  
禮哉宣公薨至是二十有八月緩於遷主可  
知矣言災則不恭之致亦自見矣此說據經  
為合或曰禮稱有焚其先人之室則三日哭  
新宮將以安神主也雖未遷而哭不亦可乎  
曰先人之室蓋嘗寢於斯食於斯會族屬於  
斯其居處笑語之所在皆可想也事死如事  
生故有焚其室則哭之禮也  
神主未遷而哭於人情何居

乙亥葬宋文公

按左氏文公卒始厚葬益車馬重器備君子  
謂華元樂舉於是乎不臣考於經未有以驗

居音

殺難  
並去聲

稱大  
聲

勝平  
聲

其厚也數其葬之月則信然矣天子七月而葬  
侯五月大夫三月士踰月以降殺遲速為禮  
之節不可亂也文公之卒國家安靖外無危  
難曷為越禮踰時逮乎七月而後克窆事哉  
故知華元樂舉之棄君於惡而益其侈無疑  
矣夫禮之厚薄稱人情而為之者也宋公在  
殯而離次出境從金革之事哀戚之情忘矣  
顧欲厚葬其君親此非有所不忍於死者特  
欲誇耀淫侈無知之人耳世衰道微禮法既  
壞無以制其侈心至於秦漢之間窮竭民力  
以事丘隴其禍有不可勝言者春秋據事直  
書而其失自見此類是也豈不為永戒哉

夏公如晉

鄭公子去疾帥師伐許

公至自晉

宣公薨至是三年之喪畢矣宜入朝京師見天子受王命然後歸而即政可也嗣守社稷之重而不朝于周以拜汶陽田之故而往朝于晉其行事亦悖矣此春秋所以作也公行多不致其書公至自晉何其至也必有以也

秋叔孫僑如帥師圍棘

音註 棘汶陽之邑在濟北蛇丘

按左氏取汶陽之田棘不服故圍之復故地而民不聽至於命上將用大師環其邑而攻之何也魯於是時初稅畝作丘甲稅役日益重矣棘雖復歸故國所以不願為之民也歟成公不知薄稅歛輕力役修德政以來之而肆其兵力雖得之亦必失之矣

大雩

晉卻克衛孫良夫伐廡咎如

音註 廡咎如赤狄別種也廡音

音咎 音臯

冬十有一月晉侯使荀庚來聘

音註 晉來聘之始

衛侯使孫良夫來聘丙午及荀庚盟丁未及孫

良夫盟

音註 聘而遂盟之於是始

見音 現下 同所 惡之 惡去 聲

劉敞曰諸侯有聘無盟聘禮也盟非禮也庚與良夫不務引其君當道而生事專命為非禮不言以于先王之典故不繫於國以見其遂事之辱非人臣之操此說然也其言及者公與之盟而不言公見二卿之抗也盟者春秋所惡於惡之中又有惡焉者此類是也

鄭伐許

音註 狄鄭也楚之伯鄭為之也由齊桓以來爭鄭於楚桓公卒鄭始朝楚

諸侯之變於夷鄭為亂階也至辰陵鄭帥諸夏而事楚矣敗晉於鄆盟十四國之君大夫于蜀

皆鄭為之是故狄秦而後狄  
鄭微秦鄭則中國無左衽矣

稱國以伐狄之也晉楚爭鄭鄭兩事焉及邲之敗於是乎專意事楚不通中華晉雖加兵終莫之聽也至此一歲而再伐許甚矣夫利在中國則從中國利在夷狄則從夷狄而不擇於義之可否以為去就其所以異於夷者幾希沉又馮弱犯寡一歲之中而再動干戈於鄰國不既甚乎春秋之法中國而夷狄行者則狄之所以懲惡也以為告辭略而從告乃實錄耳一字為褒貶義安在也

馮音憑

甲戌

定王二十二年晉景十三齊頃十二衛定二蔡景四年秦桓五十八楚共四

春宋公共使華元來聘音註宋始傳魯

三月壬申鄭伯堅卒音註襄公卒悼公費立

杞伯和來朝

夏四月甲寅臧孫許卒

公如晉

葬鄭襄公

秋公至自晉

冬城鄆音註鄆魯西邑音運

鄭伯悼伐許

復扶又及前此鄭襄公伐許既狄之矣今悼公又伐許乃復稱爵何也喪未踰年以吉禮從金革之

乙亥

事則忘親矣稱爵非美詞所以著其惡也

定王二十一年崩晉景十四齊頃十三衛定三蔡桓十九楚共五五年景六鄭悼公費元年曹宣九陳

成十三蔡桓十九楚共五

春王正月杞叔姬來歸音註

叔姬魯僖公次女

前書杞伯來朝左氏以為歸叔姬也此書杞叔姬來歸則出也春秋於內女其歸其出錄之詳者男女居室人之大倫也男子生而願為之有室女子生而願為之有家父母之心人皆有之而不能為之擇家與室則夫婦之道苦淫僻之罪多矣王法所重人倫之本錄之詳也為世戒也

仲孫蔑如宋音註

仲孫蔑即孟獻子也

夏叔孫僑如會晉荀首于穀音註

穀齊地

梁山崩音註

梁山在馮翊夏陽縣北

梁山韓國也詩曰奕奕梁山韓侯受命而謂之韓奕者言奕然高大為韓國之鎮也後為晉所滅而大夫韓氏以為邑焉書而不繫國者為天下記異是以不言晉也左氏載絳人之語於禮文備矣而未記其實也夫降服乘纓徹樂出次祝幣史辭六者禮之文也古之遭變異而外為此文者必有恐懼修省之心主於內若成湯以六事檢身高宗克正厥事宣王側身修行欲銷去之是也徒舉其文而無實以先之何足以弭災變乎夫國主山川至於崩竭當時諸侯未聞有戒心而修德也故自是而後六十年間紂君十有四亡國三十二其應亦惜矣春秋不明著其事應而事應具存其可忽諸

行去  
去聲  
正去聲

為去  
去聲  
下同

潮音

秋大水

冬十有一月巳酉天王崩音註定王崩子

十有二月巳丑公會晉侯景齊侯頃宋公共衛

侯定鄭伯悼曹伯宣邾子定杞伯桓同盟于蟲

**牢音註**留封丘縣北

按左氏許靈公愬鄭伯于楚鄭伯如楚訟不勝歸而請成于晉盟于蟲牢鄭服也鄭服則何歟書同盟天王崩赴告已及在諸侯之策矣以所聞先後而奔喪禮也而九國諸侯會盟不廢故特書同盟以見其皆不臣春秋惡盟誓於惡之中又有惡焉者此類是也

丙子簡王六年晉景十五齊頃十四衛定四蔡景七鄭悼二卒曹宣十陳成十四杞桓五

夢音共六吳子壽夢元年

春王正月公至自會

二月辛巳立武宮

武宮武公之宮立武宮非禮也喪事即遠有進而無退宮廟即遠有毀而無立故二昭二穆與太祖而五者諸侯之廟制也曰考廟曰王考廟曰皇考廟皆有祭焉曰顯考廟曰祖考廟享嘗乃止去祖為壇去壇為墀壇墀有禱則祭無禱乃止去墀為鬼諸侯之祭法也武公至是歷世十一其毀已久而輒立焉非即遠有終之意故特書曰立立者不宜立也

**下註**墀音

**取鄭音註**郭附庸國音專



傳去

此必  
二反  
父音  
甫

郭微國也書取者滅之也滅而書取為君隱也項亦國也其書滅者以僖公在會季孫所為故直書其事而不隱此春秋尊君抑臣以辨上下謹於微之意也人倫之際差之毫釐繆以千里故仲尼特立此義以示後世臣子使以道事君而無朋附權臣之惡於傳有之犯上干主其罪可救乖忤貴臣禍在不測故臣子多不憚人主而畏權臣如漢谷永之徒直攻成帝不以為嫌至於王氏則周旋相比結為死黨而人主不之覺此世世之公患也歸父家遺緣季氏也朝吳出奔因無極也王章殺身許王鳳也郭侯寄館避元載也惟殺主在下而人主失其柄也是以黨與眾多知有權臣而不知有君父矣使春秋之義得行尊君抑臣以辨上下每謹於微豈有此患乎

### 衛孫良夫帥師侵宋

夏六月邾子定來朝

公孫嬰齊如晉音註嬰齊叔

壬申鄭伯費卒音註費音秘。悼公卒弟成公踰立

### 秋仲孫蔑叔孫僑如帥師侵宋

將去

為去

魯遣二卿為主將動大眾焉有事於宋而以侵書者潛師侵掠無名之意蓋陋之也於衛孫良夫亦然上三年嘗會宋衛同伐鄭矣次年宋使華元來聘通嗣君矣又次年魯使仲孫蔑報華元矣是年冬鄭伯背楚求成于晉而魯衛與宋又同盟于蟲牢矣今而有事於宋上卿授鉞大眾就行而師出無名可乎故特書侵以罪之也左氏載此師晉命也後二年宋來納幣請伯姬焉則此師為晉而舉非魯志明矣兵戎有國之重事邦交人道之大

倫聽命於人不得已焉將能立乎春秋所以罪之也

楚公子嬰齊帥師伐鄭楚始書大夫將也自是必圖滅也而後貶人之

冬季孫行父如晉

晉欒書帥師救鄭

荆楚僭號稱王聖人比諸夷狄而不赦者大一統以存周使民著於君臣之義也鄭能背夷即革是改過遷善出幽谷而遷喬不也嬰齊為是帥師又因其喪而伐之不義甚矣經所以深惡之也書卿帥師伐鄭於文無貶辭何以知其深惡也下書欒武子帥師救鄭則知之矣凡書救者未有不善之也而伐者之罪著矣按左氏晉楚遇于桑隧軍帥之欲戰者八人武子遂還則無功也亦何善之有曰此春秋之所以善欒書也兩軍相加兵刃

為惡並去声

降尸行反

幾平

丑丁

既接折馘執俘計功受賞此非仁人之心王者之事故舞干而苗格者舜也因壘而崇降者文也次于陘而屈完服者齊桓也會于蕭魚而鄭不叛者晉悼也武子之能不遷戮而知還也亦庶幾哉

簡王七年晉景十六齊頃十五衛定五蔡景八鄭成公踰元年曹宣十一陳成十五杞桓五十三宋共五秦桓一十一楚共七吳壽夢二

春王正月鼯鼠食郊牛角改卜牛鼯鼠又食其

角乃免牛音註

穀梁子曰郊牛日展斛角而知傷展道盡矣其所以備災之道不盡也改卜牛鼯鼠又食其角則亡乎人矣非人之所能也所以免有司之過也有司免過即變異也其應云何許

翰曰小害大下賊上食而又食三桓子孫相繼之象也宣公有虞三桓之志至成始弗戒矣理或然也

**吳伐郟** 音註 郟音

稱國以伐狄之也吳本太伯之後以族屬言則周之伯父也何以狄之為其僭天子之大號也按國語云命圭有命固曰吳伯不曰吳王然則吳本伯爵也後雖益熾浸與中國會盟進而書爵不過曰子亦不以本爵與之故紀於禮書曰四夷雖大皆曰子此春秋之法仲尼之制也而以為不敢擅進退諸侯亂名實者誤矣

夏五月曹伯來朝

不郊猶三望

長上

并去

吳郡朱長文曰禮天子有四望諸侯則祭境內山川而已魯當祭泰山泰山魯魯之境也禮所得祭故不書三望僭天子之禮是以書之其說是矣楚于軫言三代命祀祭不越望而曰江漢沮漳楚之望非也楚始受封濱江之國漢水沮漳豈其境內哉此亦據後世并兼封略言之

秋楚公子嬰齊帥師伐鄭公會晉侯 景 齊侯 頃

宋公 共 衛侯 定 曹伯 宣 莒子 朱 邾子 定 杞伯 桓

救鄭八月戊辰同盟于馬陵 音註 馬陵

楚人軍旅數起頻年伐鄭以其背已而從諸夏也與莊之欲討微舒而入陳亦異矣書大夫之名氏書帥師書伐而無貶詞者所謂不待貶絕而罪自見者也晉合八國之君親往

數音

將與並夫吉橫去声

救鄭則攘夷狄安中國之師也欲著其善故特書救鄭以美之言救則楚罪益明而鄭能背夷即華善亦著矣前此晉遣上將諸國不與焉此則其君自行而會合諸國則楚人暴橫憑陵諸夏之勢益張亦可見矣故盟于馬陵而書同盟者同病楚也

### 公至自會

### 吳入州來

**音註**

州來楚邑。吳楚交兵不書至是始書之傳曰是以始六通吳

於上國晉人爲之也

### 冬大雩

### 衛孫林父出奔晉

**音註**

### 春秋胡傳卷之十九

終

## 春秋胡傳卷之二十

### 成公下

丁丑

簡王

八年

晉景十七齊頃十六衛定六蔡景九鄭成二曹宣十二陳成十六杞桓五

十四宋共六秦桓二十二楚共八吳壽夢三

### 春晉侯使韓穿來言汶陽之田歸之于齊

汶陽之田本魯田也魯人恃大國之威以兵力脅齊得其故地而不正疆理於天王則取

之不以其道也卻克戰勝令於齊曰反魯衛之侵地齊既從之今復有命俾歸諸齊則歸

之不以其道也而齊人貪得晉有二命穿也列卿無所諫止皆罪也來言者緩詞也歸之

于者易詞也爲國以禮者無憚於強而魯侯微弱遂以歸齊而不能保罪亦見矣

夫扶又反 易去 信

晉欒書帥師侵蔡

公孫嬰齊如莒

宋公使華元來聘

夏宋公使公孫壽來納聘

音註 公孫壽蕩 意諸之流

納幣不書此何以書公孫壽卿也納幣使卿非禮也禮不可略亦不可過惟其稱而已矣畧則輕大倫過則溺私愛宋公之請伯姬魯侯之嫁其女皆致其厚者也而不知越禮逾制豈所以重大婚之禮哉經采書之為後法也

晉殺其大夫趙同趙括

按左氏趙莊姬為趙嬰之亡譖於晉僖曰原屏將為亂欒卻為徵晉討趙同趙括以其田

去上

秋七月天子使召伯來賜公命

音註

命止此 召音邵賜

與祁奚韓厥言十君曰成季之勲宣孟之忠而無後為善者懼矣乃立武而次其田然則同括無罪為莊姬所譖而欒卻害之也故稱國以殺而不去其官以見晉之失政刑矣諸侯嗣立而入見則有賜已修聘禮而來朝則有賜能敵王所愾而獻功則有賜成公即位服喪已畢而不入見既更五服一朝之歲矣而不入見師又未嘗敵王所愾而有功也何為來賜命乎召伯者縣內諸侯為王卿士者也來賜公命罪邦君之不王譏天子之僭賞也臨諸侯曰天王君天下曰天子蓋一人之通稱

冬十月癸卯杞叔姬卒

晉侯使士燮來聘叔孫僑如會晉士燮齊人邾

見形 旬反 更平 戶

聲 去

人伐邾

按左氏士燮來聘言伐邾也以其事吳故公請緩師不可吳初伐邾季孫固曰中國不振旅蠻夷入伐而莫之或恤亡無日矣當其時既不能救及其既成豈獲已也而又率諸國伐之何義乎前書來聘下書會伐晉侯之為盟主可見矣魯既知其不可從大國之令而不敢違其不能立亦可知矣

衛人來媵音註

為伯姬歸宋也媵盈去又音刺

媵者何諸侯有三歸嫡夫人行則姪姊從二國來媵亦以姪姊從凡一娶九女所以廣繼嗣三國來媵非禮也夫以禮制欲則治以欲敗禮則亂而諸侯一娶十有二女則是以欲敗禮矣備書三國以明逾制為後戒也

從去聲

巳卯

簡王九年晉景十八齊頃十七卒衛定七蔡景十四鄭成三曹宣十三陳成十七杞桓

五十五宋共七秦桓二十三楚共九吳壽夢四

春王正月杞伯來逆叔姬之喪以歸

凡筆於經者皆經邦大訓也杞叔姬一女子爾而四書于策何也有男女然後有夫婦有夫婦然後有父子故春秋慎男女之配重大婚之禮以是為人倫之本也事有大於此者乎男而賢也得淑女以配則自家刑國可以移風俗女而賢也得君子以為歸則承宗廟奉祭祀能化天下以婦道豈曰小補之哉夷攷杞叔姬之行雖賢不若宋共姬亦不至如鄆季姬之越禮也杞伯初來朝魯然後出之卒而復逆其喪以歸者豈非叔姬本不應出故魯人得以義責之使復歸葬乎魯在春秋時內女之歸不得其所者有矣聖人詳錄

行去聲

其始卒欲為後鑒使得有終而無弊也其經世之慮遠矣

公會晉侯景齊侯頃宋公共衛侯定鄭伯成曹

伯宣莒子朱杞伯桓同盟于蒲音註蒲衛地

按左氏為汶陽之田故諸侯貳於晉晉人懼會于蒲以尋馬陵之盟夫盟非固結之本也衛獻公言於甯喜求復國喜曰必子鮮在不然必敗小邾射以句繹來奔曰使季路要我吾無盟夫信在言前者不言而自喻誠在令外者不令而自行晉初下令於齊及魯衛之侵地而齊不敢違者以其順也齊既從之魯君親往拜其賜矣復有二命俾歸諸齊一與一奪信不可知無或乎諸侯之解體也晉人不知反求諸已惇信明義以補前行之愆而又欲刑牲歃血要質鬼神以禦之是從事於未而不知本矣特書同盟以罪晉也

射音 赤句 古侯 反要 一還 反

公至自會

二月伯姬歸于宋

夏季孫行父如宋致女晉人來媵

見音 塊

行去 声

致女者何女既嫁三月而廟見則成婦矣而後父母使人安之故謂之致也常事爾何以書致女使卿非禮也經有因褒以見貶者初獻六羽之類是也亦有因貶以見褒者致女來媵之類是也伯姬賢行著於家故致女使卿特厚其嫁遣之禮賢名聞於遠故諸國爭媵信其無妬忌之行程氏以為一女子之賢尚聞於諸侯况君子哉或曰魯女雖賢豈能聞於遠乎曰古者庶女與非敵者則求為媵固為之擇賢小君則諸侯之賢女自當聞矣

秋七月丙子齊侯無野卒音註

頃公卒子 靈公環立

晉人執鄭伯成 晉欒書帥師伐鄭

按左氏楚人以重賂求鄭鄭伯會公子成于鄧秋鄭伯如晉晉人討其貳於楚執諸銅鞮欒書伐鄭鄭使伯蠲行成晉人殺之楚子重侵陳以救鄭稱人而執者既不以王命又不歸諸京師則非伯討也殺伯蠲不書者既執其君矣則行人為輕亦不足紀也楚子重侵陳與處父救江何異削而不書者鄭亦有罪焉耳夫背夷即華正也今以重賂故又與楚會則是惟利之從而不要諸義也故鄭無可救之善楚不得有能救之名

冬十有一月葬齊頃公

楚公子嬰齊帥師伐莒庚申莒潰楚人入鄆音

註 鄆莒別邑也。伐稱名入稱人書法與會蜀盟蜀同

按左氏楚子重自陳伐莒圍渠丘城惡衆潰楚師圍莒莒城亦惡庚申莒潰楚遂入鄆子重曰鑿斯池也築斯城也與民守之效死而民不去是則可為也夫鑿池築城者為國之備所謂事也效死而民不去為國之本所謂政也莒恃其陋不脩城郭浹辰之間楚克其三都信無備矣然兵至而民逃其上不能使民效死而不去則昧於為國之本也雖隆莒之城何益乎故經於莒潰特書日以謹之者以明城郭溝池重門擊析皆守邦之末務必為固本安民為政之急耳

秦人桓白狄伐晉

經所謹者華夷之辨也晉嘗與白狄伐秦秦亦與白狄伐晉族類不復分矣其稱人貶詞也武王伐商誓師牧野庸蜀羗髡微盧彭濮皆與焉豈亦不謹乎除天下之殘賊而出民

處上 聲 婁平 聲

復扶 又反 與去 聲



比必  
二反

於水火之中雖蠻夷戎狄以義驅之可也亦慮其同惡相濟貽患於後也中國友邦自相侵伐已為不義又與非我族類者共焉不亦甚乎晉既失信復聽婦人讒說殺其世臣而諸侯皆貳秦狄交伐比事以觀可謂深切著明矣

### 鄭人圍許

### 城中城音註

中城中城者郭之內而宮之外也

經世安民視道之得失不倚城郭溝池以為固也穀梁子謂凡城之誌皆譏其說是矣莒雖恃陋不設備至使楚人入邾苟有令政使民效死而不潰寇亦豈能入也城非春秋所貴而書城中城其為微守益微矣王公設險以守其國非歟曰百雉之城七里之郭設險之大端也謹於禮以為國辨尊卑分貴賤明等威異物采凡所以杜絕陵僭限隔上下者

乃體險之大用也獨城郭溝池之足恃乎

庚辰

簡王

十年

晉景十九卒齊靈公環元年衛定八年杞桓五十六宋共八秦桓二十四楚共十吳壽夢五

### 春衛侯之弟黑背帥師侵鄭

按左氏衛子叔黑背侵鄭晉命也其曰衛侯之弟者子叔黑背生公孫剽孫林父甯殖出衛侯衍而立剽亦以父有寵愛之私故得立耳此與齊之夷仲年無異其特書弟以為後戒可謂深切著明矣

### 音註

殖市力反術苦旦反

夏四月五卜郊不從乃不郊

五月公會晉侯

景

齊侯

靈

宋公

共

衛侯

定

曹伯

宣伐鄭

齊人來媵

音註 伯姬也異姓來媵非禮也

丙午晉侯孺卒

音註 景公卒太子州蒲五月先立以伐鄭孺乃侯反

秋七月公如晉

此葬晉侯也而不書諱之也天子之喪動天下屬諸侯諸侯之喪動通國屬大夫公之葬晉侯非禮也唯天子之事焉可也傳以晉人止公送葬諸侯莫在焉魯人辱之故諱而不書非矣假令諸侯皆在魯人不以為辱而可書乎

冬十月

辛簡王

十有一年

晉厲公州蒲元年齊靈二衛定九蔡景十一鄭成五曹宣十五

陳成十九杞桓五十七宋共九秦桓二十五楚共十一吳壽夢六

春王三月公至自晉

晉侯使郤犇來聘己丑及郤犇盟

夏季孫行父如晉

秋叔孫僑如如齊

冬十月

壬午

簡王十有二年

晉厲二齊靈三衛定十蔡景十七年二鄭成六曹宣十六陳成二十

杞桓五十八宋共十秦桓二十六楚共十一吳壽夢七

春周公出奔晉

音註 周公天子三公也

偏音 逼 懸苦 用反

按左氏周公楚惠惠襄之偏且與伯與爭政不勝怒而出王使劉子復之盟于鄆而入三日復出奔晉夫人主無誠慤之心而下要大臣盟是謂君不君人臣無忠信之實而上與人主盟是謂臣不臣既已要質鬼神以人矣又叛盟失信而出奔則是自絕于天也自周無出而書曰出者見周室衰微刑政號令不行于天下爾

夏公會晉侯

厲

衛侯

定

于瑣澤

音註

瑣澤地闕公羊作沙

澤○此晉楚為成也于是晉士燮會楚公子罷許偃盟于宋西門之外不書存中國也

秋晉人

厲

敗狄于交剛

音註

交剛

狄地

冬十月

未癸

八年

十有三年

晉厲三齊靈四衛定十一蔡景十四鄭成七曹宣十七卒陳成

二十一杞桓五十九宋共十一秦桓二十七楚共十三吳壽夢八

春晉侯

厲

使卻錡來乞師

音註

錡魚

晉主夏盟行使諸侯徵會計貳誰敢不從以霸王之尊而書曰乞師何也列國疏封雖有大小土地甲兵受之天子不相統屬魯兵非晉所得專也今晉不以王命與諸侯之師故特書曰乞以見其卑伏屈損無自反而縮之意矣聖人作春秋無不重內而輕外至於乞師則內外同辭者蓋皆有報怨復讐言貪得之心是以如此若夫誅亂臣討賊子請於天王以大義驅之誰不拱手以聽命何至於乞哉噫此聖人所以垂戒後世見諸行事之深切著明者也

三月公如京師

夏五月公自京師遂會晉侯厲齊侯靈宋公共

衛侯定鄭伯成曹伯宣邾人定滕人文伐秦

朝音 潮下 同  
諸侯每歲侵伐四出未有能脩朝覲之禮者  
今公欲會伐秦道自王都不可越天子而往  
也故皆朝王而不能成朝禮書曰如京師見  
諸侯之慢也因會伐而行矣又書公自京師  
以伐秦為遂事者此仲尼親筆明朝工為重  
存人臣之禮也古者諸侯即位喪服畢則朝  
小聘大聘終則朝巡狩于方嶽則朝覲春秋  
所載天王遣使者屢矣十二公之述職蓋闕  
如也獨此年書公如京師又不能成朝禮不  
敬莫大焉君臣人道之大倫而至於此極故  
仲尼嘗喟然嘆曰夷狄之有君不如諸夏之  
亡也為此懼作春秋或抑或縱或予或奪所  
以明君臣之義者至矣其義得行則臣必敬  
于君子必敬于父天理必存人欲必消大倫

必正豈曰小補之哉此以伐秦為遂事之意也

曹伯廬卒于師音註宣公卒成公召負芻立

秋七月公至自伐秦

冬葬曹宣公

**甲申** 簡王 十有四年晉厲四齊靈五衛定十一卒秦九年景十五鄭成八曹成八公召負芻元年陳成二十二杞桓六十六宋共十二秦桓二十八卒楚共十四吳壽夢元年

春王正月莒子朱卒音註即渠丘公卒犁比公密州立

夏衛孫林父自晉歸于衛

秋叔孫僑如如齊送女

九

鄭公子喜帥師伐許

九月僑如以夫人婦姜氏至自齊音註婦姜氏有姑之

常稱也若妾姑則不書氏是故有成風則出姜不氏有敬嬴則穆姜不氏所以別嫡姑也

見音現

穀梁曰大夫不以夫人以夫人非正也刺不親迎也僑如之不氏一事而再見者卒名耳然則娶于他邦而道里或遠必親迎乎以封壤則有小大以爵次則有尊卑以道途則有遠邇或迎之於其國或迎之於境上或迎之於所館中禮之節可也

冬十月庚寅衛侯臧卒音註定公卒子獻公衍立

秦伯卒音註桓公卒子景公立

西  
簡王  
十年  
十有五年音註厲五齊靈六衛獻公衍元年蔡景十六鄭成九曹成二陳成

三十三祀桓六十一宋共十二卒  
秦景公元年楚共十五吳壽夢十

春王二月葬衛定公

三月乙巳仲嬰齊卒

嬰齊者公子遂之子公孫歸父之弟也歸父出奔齊魯人徐傷其無後也於是使嬰齊後之故書曰仲嬰齊此可謂亂昭穆之序失父子之親者以後歸父則弟不可為兄嗣以後襄仲則以父字為氏亦非矣

癸丑公會晉侯厲衛侯獻鄭伯成曹伯成宋世

子成齊國佐靈邾人定同盟于戚音註國佐齊大夫國

也武子

守去  
声大  
音本

晉侯

厲

執曹伯

成

歸于京師

**音註**

特書晉侯討有罪也

稱侯以執伯討也何以爲伯討晉合諸侯伐秦曹宣公卒於師曹人使公子負芻守使公子欣時逆曹伯之喪負芻殺其大子而自立至是晉侯執之又不敢自治而歸于京師使即天刑夫是之謂伯討春秋執諸侯者衆矣未有執得其罪如此者故獨書其爵

公至自會

夏六月宋公固卒

**音註**  
共公卒子平公戌立

楚子伐鄭

秋八月庚辰葬宋共公

宋華元出奔晉宋華元自晉歸于宋宋殺其大

夫山宋魚石出奔楚

**音註**  
宋殺其大夫山此蕩澤稱國以殺而山不

書氏有司法守之辭也

魚石公子曰夷曾孫

宋六卿魚氏蕩氏向氏鱗氏皆桓侯也華氏戴族也華元爲右師魚石爲左師蕩氏汰而驕其公卒已葬蕩澤弱公室殺公子肥元華曰我司君臣之訓而不能正罪大矣不能治官敢賴寵乎乃出奔晉魚石將止之魚府曰元反必討是無桓氏也石曰彼多大勳國人所與不反懼桓氏之無祀於宋也遂自止元於河上元歸使國人攻桓氏殺蕩山出魚石國然後定元之出奔晉與歸于宋皆不省文者著其正也書之重詞之復必有美惡焉詞繁而不殺所以與之也以不賴寵而出奔以國人與晉皆許之討而後入正可知矣蘇轍謂使元懷祿顧窳重於出奔則不能討此說是也山不書氏背其族也背其族者伐其本

何代  
亮反  
華去  
声

重平  
声殺  
去

也人而無本人道絕矣葛藟猶能  
其其本根況於人而忍伐其本乎

冬十有一月叔孫僑如會晉士燮齊高無咎宋

華元衛孫林父鄭公子鮪邾人會吳于鐘離音

鮪音秋鐘離楚邑淮南縣此會吳之始亦晉  
以諸侯之大夫會吳之始○自是大夫自為

會矣

吳以號舉夷之也會而殊會外之也殊會有  
二義會王世子于首止意在尊王室不敢與  
世子抗也會吳于鐘離于租于向意在賤夷  
狄而罪諸侯不敢與之敵也夫以太伯至德  
是始有吳以族言之則周之伯父也至其後  
世遂以號舉者以其僭竊稱王不能居中國  
之爵號耳成襄之間中國無霸齊晉大國亦  
皆俛首東向而親吳聖人蓋傷之故特殊會

可謂深切  
著明矣

許遷于葉音註

葉近楚之邑音攝  
今南陽葉縣是也

丙戌

簡王十

十有六年

晉厲公齊靈公衛獻公蔡景公  
鄭成十曹成三陳成二

十四杞桓六十二宋平公成元年  
秦景二楚共十六吳壽夢十一

春王正月雨木冰

雨木冰者雨而木冰也何休曰木者少陽幼  
君大臣之象冰者凝陰兵之類也冰者木者  
君臣將執於兵之徵未幾而有沙隨若立之  
事大人之際休咎之應焉可誣也而欲盡廢  
五行傳亦過矣

夏四月辛未滕子卒音註

文公卒成  
公原立

焉音  
姻

少去

鄭公子喜帥師侵宋音註

喜即子罕

六月丙寅朔日有食之

晉侯使欒黶來乞師音註

黶音黯

甲午晦晉侯

厲及楚子

共鄭伯

成戰于鄆陵楚

子鄭師敗績音註

鄆陵鄭地

不書師敗績以其君親集矢於目而身傷為重也當是時兩軍相抗未有勝負之形晉之捷也亦幸焉爾幸非持勝之道范文子所以立于軍門有聖人能內外無患盍釋楚以為外懼之戒乎楚師雖敗其勢益張晉遂怠矣卒有欒氏之諾而誅三郤國內大亂聖人備書以見行事之深切著明也

見音現

楚殺其大夫公子側

秋公會晉侯

厲

齊侯

靈

衛侯

獻

宋華元

平

邾人

定于沙隨不見公音註

沙隨宋地

孫去聲

臣子之於君父揚其美不揚其惡為尊者諱為親者諱禮也聖人假魯史以示王法其於魯事有君臣之義故君弑則書薨易地則書假滅國則書取出奔則書孫屈已而與強國之大夫盟則書及叛盟失信而莫適守則沒公而書會凡此類雖不沒其實示天下之公必隱避其辭以存臣子之禮然則沙隨之會晉不見公是魯侯之大辱深可耻焉者矣曷為直書其事而不諱乎曰春秋伸道不伸邪榮義不榮勢正已而無恤乎人以仁禮存心而不憂橫逆之至者也沙隨之會魯有內難師出後期所當恤者晉人聽叔孫僑如之諧



塞先則反

怒公而不見曲在晉矣魯侯自反非有背仁棄禮不忠之咎也昔魯子嘗聞大勇於夫子曰自反而縮雖千萬人吾往矣孟子言浩然之氣至大至剛以直養而無害則塞乎天地之間沙隨之不見於公何歟乎直書而不諱者示天下後世使知大勇浩然之氣所以守身應物如此其音註橫去聲離萬且反垂訓之義大矣

公至自會

公會尹子

武

晉侯

厲

齊國佐

靈

邾人

定

伐鄭音

註尹子周卿士子爵也於是始以王臣與伐

曹伯成歸自京師

曹伯不名其位未嘗絕也不絕其位所以累乎天王也其言自京師王命也言天王之釋

有罪也善不蒙賞惡不即刑以堯為君舜為臣雖得天下不能一朝居也負芻殺世子而自立不能因晉之執寘諸刑典而使復國則無以為天下之共土矣

九月晉人執季孫行父舍之于荅丘音註

荅丘音地

荅音條

冬十月乙亥叔孫僑如出奔齊

十有二月乙丑季孫行父及晉郤犇盟于扈音

註晉許魯音平故盟

公至自會

乙酉刺公子偃

女音 汝 守去 同

按左氏宣伯通於穆姜欲去季孟而取其室  
戰於鄆陵之日公將行穆姜送公而使逐二  
子公以晉難告曰請反而聽命姜怒公子偃  
公子鉏趨過指之曰文不可是皆君也公待  
於壞墮申宮微備設守而後行是以後使孟  
獻子守于公官宣伯使告卻擘曰魯侯待於  
壞墮以待勝者卻擘取貨於宣伯而訴公子  
晉侯晉侯不見公公會諸侯伐鄭將行姜又  
命公如初公又申守而行宣伯使告卻擘曰  
魯之有季孟猶晉之有欒范也政令于是乎  
成今其謀曰晉政多門不可從也寧事齊楚  
有亡而已茂從晉矣若欲得志於魯請止行  
父而殺之我斃茂也不然歸必叛晉人執季  
文子于荅丘公還待於戰使子叔聲伯請季  
孫于晉卻擘曰苟去仲孫蔑而請季孫行父  
吾與子國親於公室對曰僑如之情子必聞  
之矣若去茂與行父是大棄魯國而罪寡君  
也若猶不棄使寡君得專晉君則夫二人者

相依 逆去

丁亥

魯國社稷之臣也若朝亡之魯必夕亡范文  
子謂樂武子曰季孫於魯相一君矣姜不衣  
帛馬不食粟可不謂忠乎信讒慝而棄忠良  
若諸侯何乃許魯平赦季孫出叔孫僑如而  
盟之季孫及卻擘盟  
音註 還音  
于扈歸刺公子偃

簡王十 十有七年 晉厲七齊靈八衛獻三魯景  
二十五年 犯桓六十三宋平二秦  
景三 楚共十七 吳壽夢十二

春衛 北宮括帥師侵鄭 音註 北宮括衛

夏公會尹子單子晉侯 齊侯 宋公 衛侯

曹伯 邾人 伐鄭

六月乙酉同盟于柯陵 音註 柯陵鄭西地此言

成公二年卷

七

也

秋公至自會

齊高咎出奔莒

音註 高咎齊大夫也

九月辛丑用郊

郊之不時未有甚於此者也故特曰用郊用者不宜用也或曰蓋以人饗即其鼻血以薦也古者六畜不相為用况敢用人乎

晉侯使荀瑩來乞師

音註 瑩乙

冬公會單子晉侯

厲 宋公

平 衛侯

獻 曹伯

滅 齊

人靈邾人定伐鄭

十有一月公至自伐鄭

壬申公孫嬰齊卒于貍服

音註 貍服地闕貍力之反服市軫反

十有二月丁巳朔日有食之

邾子貍且卒

音註 獲音躍且音狙九公卒宣公輕立

晉殺其大夫卻錡卻犖卻至

楚人滅舒庸

音註 舒庸東夷偃姓之國

戊子

簡王十三年

十有八年

晉厲八年 弒齊靈九 衛獻四 蔡景十九 鄭成十二 曹成五 陳成二十六 杞桓六十四 宋平三 秦景四 楚共十八 吳壽夢十三

春王正月晉殺其大夫胥童

庚申晉弑其君州蒲音註

厲公弑悼公周立

弑君天下之大罪討賊天下之大刑春秋合於人心而定罪聖人順於天理而用刑固不以大需釋當誅之賊亦不以大刑加不弑之人然趙盾以不越境而書弑許世子止以不嘗藥而書弑鄭歸生以憚老懼讒而書弑楚公子比以不能效死不立而書弑齊陳乞以廢長立幼而書弑晉欒書身為元帥親執厲公於匠麗氏使程滑弑公而以車一乘葬之於翼東門之外而春秋稱國以弑其君而不著欒書之名氏何哉仲尼無私與天為一奚獨於趙盾許止歸生楚比陳乞則責之甚備討之甚嚴而於欒武子濶略如此乎學者深求其旨知聖人之誅亂臣討賊子之大要也而後可與言春秋矣

齊殺其大夫國佐

長上  
去聲  
去聲

公如晉

夏楚子

共鄭伯成

伐宋宋魚石復入于彭城音

註彭城宋邑

此伐宋以納魚石其不曰納宋魚石于彭城何也劉敞曰不與納也諸侯失國諸侯納之正也諸侯世也大夫失位諸侯納之非正也大夫不世也諸侯託於諸侯禮也大夫託於諸侯非禮也其言復入者已絕而復入惡之甚者宋魚石晉欒盈是矣

公至自晉

晉侯使士匄來聘

秋杞伯來朝

八月邾子宣來朝

築鹿囿音註築壻為鹿苑

已丑公薨于路寢

冬楚人共鄭人成侵宋

晉侯使士魴來乞師音註魴音房

十有二月仲孫蔑會晉侯悼宋公平衛侯獻邾

子宣齊靈崔杼同盟于虛音註虛打宋地打他于反

丁未葬我君成公

春秋胡傳卷之二十畢

春秋胡傳卷之二十一

附林堯叟音註括例始末

襄公上公名午成公子母定姒謚法因事有功曰襄辟土有德曰襄

周簡王十四年魯襄公二年簡王崩子靈王立襄二十八年靈王崩子景王立

鄭成公十三年魯襄公二年成公卒子僖公髡頑立襄十年僖公卒簡公嘉立

齊靈公十年魯襄公十九年靈公卒子莊公光立襄二十五年莊公弑弟景公杵臼立

宋平公四年

晉悼公復霸元年韓厥為政襄七年知瑩為政襄十一年會于蕭魚服鄭襄十三年荀偃為政襄十五年悼公卒子平公彪立襄十九年

士匄為政襄二十五年趙武為政襄三十七

亦辟亦反

知去聲

年晉楚盟于宋  
南北分霸始此

**衛**

獻公五年魯襄公十四年獻公奔齊衛立公  
孫剽景為蕩公襄二十六年蕩公弒獻復歸  
于衛襄二十九年  
獻公卒子襄公立

**蔡**

景公二十年魯襄公三十  
年景公弒子靈公般立  
成公六年魯襄公十八  
年成公卒子武公滕立

**滕**

成公  
元年  
成公二十七年魯襄公四  
年成公卒子哀公弱立

**杞**

桓公六十五年魯襄公六年桓公卒子孝公  
句立襄三十二年孝公卒弟文公益立  
詳見信  
公元年

**薛**

**莒**

莒比公五年魯襄公十六年晉執犁比  
公襄三十二年犁比公弒子展與立  
宣公三年魯襄公十六年晉執宣公襄十七  
年宣公卒悼公華立襄十九年晉執悼公  
靈公十八年魯襄公二十六

**許**

年靈公卒楚悼公買立

**小邾**

魯襄公七年小  
邾穆公來朝

**楚**

共王十九年子重為令尹魯襄公三年子重  
伐吳卒子辛為令尹襄五年楚殺子辛子囊  
為令尹襄十三年共王卒子康王昭立襄十  
五年子庚為令尹襄二十一年子南為令尹  
二十二年子遠為令尹襄二十五年子  
木為令尹襄二十八年康王卒邾敖麋立

麋九  
倫反

**秦**

景公  
五年  
壽夢十四年魯襄公十二年壽夢卒諸樊立  
一名遏襄二十五年遏門于巢卒餘祭立一

祭側  
分反

名載襄二十九年餘祭  
卒夷昧立一名餘昧

**越** 詳見隱公元年  
及魯昭公元年

**丑巳**

簡王十  
四年崩 **元年** 晉悼公周元年齊靈十年衛獻五  
六年陳成二十七年杞桓六十五年宋平四  
年秦景五年楚共十九年吳壽夢十四年

**春王正月公即位**

仲孫蔑會晉欒黶宋華元 平 衛甯殖 獻 曹人 成

莒人 比 邾人 宣 滕人 成 薛人 圍宋彭城

按左氏曰非宋地追書也然則書圍彭城者  
魯史舊文也曰圍宋彭城者仲尼親筆也楚  
已取彭城封魚石成之三百乘矣則曷為繫  
之宋楚不得取之宋魚石不得受之楚雖專

其地君子不登叛人所以  
正疆域固封守謹王度也

夏晉韓厥帥師伐鄭仲孫蔑會齊崔杼曹人邾

人杞人次于鄆音註 鄆鄭地○書次從晉而未  
決也亦以見復伯之難

楚人釋君而臣是助事已悖矣晉於是乎降  
彭城以魚石等歸遂伐鄭而諸侯次于鄆此  
皆放於義而行者也傳書楚子辛救鄭而經  
不書者鄭本為楚以其君之故親集矢於目  
是以與楚而不貳也棄中國從蠻夷不能以  
大義裁之惟私欲之從則鄭無可救之善楚  
不得有能救之名經  
所以削之不言救也 音註 隆平聲 為去聲

秋楚公子壬夫帥師侵宋

九月乙酉天王崩音註 簡王崩子  
靈主立

聲 廢上

乘去

邾子來朝

冬衛侯獻

使公孫剽來聘晉侯悼

使荀瑩來聘

音註

剽匹則反

簡王崩赴告已及藏在諸侯之策矣則宜以所聞先後而奔喪今邾子方來修朝禮衛侯晉侯方來修聘事於王喪若越人視秦人之肥瘠魯不與焉而左氏以為禮此何禮乎滕定公薨世子定為三年喪父兄百官皆不欲曰吾宗國魯先君莫之行也喪紀益廢民習於耳目而不察故後世以日易月人子安而行之不知春秋之義無君臣之禮豈不惜哉

庚寅

靈王二年

晉悼二歲靈十一年衛獻六蔡景二十八年鄭成十四卒曹成七陳成二十八

杞桓十六六宋平五秦景六楚共二十吳壽夢十五

春王正月葬簡王

鄭成師伐宋

夏五月庚寅夫人姜氏薨音註

姜氏襄公適母也

六月庚辰鄭伯踰卒音註

踰昆去又菟上成公卒子僖公髡頑立

晉師悼宋師平衛獻甯殖侵鄭

秋七月仲孫蔑會晉荀瑩宋華元衛孫林父曹

人成邾人宣于戚

已丑葬我小君齊姜

叔孫豹如宋



冬仲孫蔑會晉荀營齊崔杼宋華元衛孫林父  
曹人邾人滕人薛人小邾人于戚遂城虎牢

六君 子俗 本作 亦君 君于 誤語 大首 法

虎牢鄭地故稱制邑至漢為成臯今為汜水  
縣巖險聞于天下猶虞之下陽趙之上黨魏  
之安邑燕之榆關吳之西陵蜀之漢樂地有  
所必據城有所必守而不可以棄焉者也有  
是險而不能守故不繫於鄭然則據地設險  
亦所貴乎天險不可升也地險山川丘陵也  
王公設險以守其國大易之訓也城郭溝池  
以為固亦君子之所謹也鑿斯池築斯城與  
民同守孟子之所以語滕君也夫狡焉思啓  
封疆而爭地以戰殺人盈野爭城以戰殺人  
盈城者固非春秋之所貴守天子之士繼先  
君之世不能設險守國將至於遷潰滅亡亦  
非聖人之所與故城虎牢而不繫於鄭程氏  
以為責鄭之不能有其聖人以待衰世之

意小康  
之事邪

楚殺其大夫公子申

卯辛

靈王三年晉悼二齊靈十二衛獻七蔡景二十一

十九杞桓六十七宋平六秦景  
七楚共二十一吳壽夢十六

春楚公子嬰齊帥師伐吳壽夢

音註楚始伐吳

公如晉

夏四月壬戌公及晉侯盟于長檮音註  
長檮晉地檮勅

反居

公至自晉

六月公會單子晉侯悼宋公平衛侯獻鄭伯僖

莒子犁邾子宣齊世子光已未同盟于雞澤音

**註**雞澤衛地

同盟或以為有三例一則王臣預盟而書同二則諸侯同欲而書同三則惡其反覆而書同夫惡其反覆與諸侯同欲而書同信矣王臣預盟而書同義則未安盟於女栗及蘇子也而不書同盟于洮于翟泉會王人也而不書同然則此三盟者正所謂諸侯同欲而書同盟也其同欲奈何同病楚也會于柯陵之歲夏伐鄭楚人師于首止而諸侯還雞澤之盟陳袁僑楚人師于汝上而諸侯還雞澤之盟陳袁僑如會楚師在繁陽而韓獻子懼平丘之行楚棄疾立復封陳蔡而中國恐是知此三盟者諸侯皆有戒心而修盟故稱同不以尹子單

沙音

子劉子亦預此盟而譏之也夫王臣將命必信明義而後可以表正乎天下諸侯守邦必尊主奉法而後可以保其社稷今王臣下與諸侯約誓諸侯亦敢上與王臣要言斯大亂之道也則亦不待書同盟而罪自見矣音註惡去聲下同要平聲見去聲

陳侯成使袁僑如會

戊寅叔孫豹及諸侯之大夫及陳袁僑盟音註

諸侯在而大夫自為盟始於此

秋公至自會

冬晉荀罃帥師伐許

壬辰 靈王 四年 晉悼 四 齊靈 十三 衛獻 八 蔡景 二十 鄭僖 二 曹成 九 陳成 三十 卒 杞桓

六十八宋平七秦景八楚  
共二十二吳壽夢十七

春王三月巳酉陳侯午卒音註

成公卒子  
哀公弱立

午者襄公名也孔子作春秋在哀公之世襄  
宮哀公之皇考也局不諱乎古者死而無諡  
不以名為諱周人以諱易名於是乎有諱禮  
故孟子曰諱名不諱姓姓所同也名所獨也  
然禮律所載則有不諱者夫子兼帝王之道  
參文質之中而作春秋以法萬世如公慶不  
地滅國書取出奔稱孫之類所以放其文也  
莊公名同而書同盟倍公名申而書戊申定  
公名宋而書宋人之類所以從其質也後世  
不明此義則有以諱易人之名者又有以諱  
易人之姓者詩書則諱臨文則諱嫌名則諱  
二各則偏諱愚者違禮以為孝誦者獻佞以  
為忠思諱繁名實亂  
而春秋之法不行矣

孫去  
去聲  
夫聲

夏叔孫豹如晉

秋七月戊子夫人妣氏薨音註

妣氏成公妾襄  
公母妣祀姓

葬陳成公

八月辛亥葬我小君定妣音註

定諡  
也

冬公如晉

陳人圍頓

巳癸

靈王  
四年

五年

晉悼五齊靈十四衛獻九蔡景二十  
四鄭僖二曹成十陳哀公湏元年杞

桓六十九宋平八秦景九  
楚共二十三吳壽夢十八

春公至自晉

夏鄭伯使公子發來聘

叔孫豹鄆世子巫如晉音註

以鄆世子比魯大夫故書叔孫豹鄆

世子巫如晉

仲孫蔑衛孫林父會吳于善道音註

善道吳地魯衛俱

受命於晉故不言及吳

秋大雩

楚殺其大夫公子壬夫

公會晉侯宋公陳侯衛侯鄭伯曹伯莒子

黎邾

子宣滕子成薛伯齊世子靈光吳人鄆人于戚

音註

戚衛地。於是盟于戚吳初與諸侯盟也。不書盟為晉諱也。吳晉之盟春秋終諱之。

見哀十三年

吳何以稱人按左氏吳子使壽越如晉請聽諸侯之好晉人將為之合諸侯使魯衛大夫會吳于善道且告會期然則戚之事乃吳人來會不為主也來會諸侯而不為主則進而稱人諸侯往與之會而主吳則貶而稱國聖人之情見矣春秋之義明矣

音註

好

聲為去聲見音現

公至自會

冬戌陳音註

戌不書惟悼公之戌陳鄭也特書之

楚公子貞帥師伐陳

公會晉侯宋公衛侯鄭伯曹伯齊世子光救陳  
十有二月公至自救陳

辛未季孫行父卒

甲午

靈王六年晉悼六齊靈十五衛獻十蔡景二十一

五年五鄭僖四曹成十一

春王三月壬午杞伯姑容卒音註 桓公卒子 孝公旬立

夏宋華弱來奔

秋葬杞桓公

滕子成來朝

### 莒人滅鄆

穀梁子曰莒人滅鄆非滅也立異姓以蒞祭  
祀滅亡之道也公羊亦云莒女有為鄆夫人  
者蓋欲立其出也或曰鄆取莒公子為後罪  
在鄆子不在莒人春秋應以梁亡之例而書  
鄆亡不當但責莒人也今直罪莒舍鄆何哉  
曰莒人之以其子為鄆後與黃歇進李園之  
妹於楚王呂不韋獻邯鄲之姬於秦公子其  
事雖殊其欲滅人之祀而有其國則一也春  
秋所以釋鄆而罪莒歟以此防民猶有  
以歸謚為世嗣昏亂紀度如郭氏者

冬叔孫豹如邾

季孫宿如晉音註 宿行父 之子

十有二月齊侯滅萊音註 萊姜姓子爵 國於東夷

邾 音安

乙未 靈王七年 晉悼七年齊靈十六衛獻十一蔡景二

六年十六鄭僖五卒曹成十二陳哀三二祀  
孝公句元年宋平十秦景十  
一楚共二十五吳壽夢二十

春郊子來朝 音註 郊國名少皞氏之後音談

夏四月三卜郊不從乃免牲

小邾子來朝 宣

城費音註 費魯邑音秘。自城費而季氏始強

費季氏邑也按左氏南遺為費宰叔仲昭伯為遂亦欲善季氏而求媚於南遺謂遺請城費吾多與而後故季氏城費夫文子相三君無衣帛之妾無食粟之馬無藏金玉無重器備則固忠於公室而不顧其所食之私邑也及行父卒宿之不忠遂專魯國之政辟小媚

費音秘下

費音秘下

之無故勞民妄興是役季氏益張其後孔子行乎季孫三月不違至於帥師墮費其越禮不度可知矣然則書城費乃履霜堅冰之戒強私家弱公室之萌據事直書而義自見矣用人不惟其賢惟其世豈不殆哉

秋季孫宿如衛

八月螽

冬十月衛侯 獻 使孫林父來聘壬戌及孫林父

盟

楚公子貞帥師圍陳

十有二月公會晉侯宋公陳侯衛侯曹伯 成 莒

子犁邾子

宣于鄆音註

鄆鄭地音委又音爲

鄭伯髡頑如會未見諸侯丙戌卒于鄆音註

髡

昆反鄆鄭地七報反又采南反卒于鄆寔爲子鄆所弒也。僖公弒簡公嘉立

亟去史反行去

按鄭僖公三傳皆以爲弒而春秋書卒者左氏則曰以瘞疾赴也公羊則曰爲中國諱也穀梁則曰不使夷狄之民加乎中國之君也夫弒而可以爲赴又順其欲而不彰則亂臣賊子免於見討而春秋非傳信之書矣然則弒而書卒二傳以爲爲中國諱不使夷狄之民加中國之君疑得聖人之意顧習其說者未之察爾夫弒君之賊其惡不待貶絕而自見矣見弒者豈無不善之積以及其身者乎衛桓則以嫡母無寵宋殤則以亟戰疲民齊襄則以行同鳥獸鄭夷則以侮慢人臣蔡固則以淫而不父陳平國則以殺諫臣而通于

祭側介反去上聲

夏氏楚虔則以多行無禮奚齊則以嬖孽而國人不可之君吳餘祭則以輕近刑人而晉州蒲欲盡去群大夫而立其左右也若夫鄭僖公則異於是矣中國者禮義之所出也夷狄者禽獸之與鄰也僖公欲從諸侯會于鄆則是貴禮義爲中國之君也諸大夫欲背諸夏與荆楚則是近禽獸爲夷狄之民也以中國之君而見弒於夷狄之民豈有不善之積以及其身者乎聖人至是傷之甚懼之甚故變文而書曰鄭伯髡頑如會未見諸侯丙戌卒于鄆未見諸侯其曰如會何致其志也諸侯卒于境內不地鄆鄭邑也其曰卒于鄆見其弒而隱之也卒鄭伯逃歸陳侯聖人之旨微而公穀之義精矣存天理抑人欲之意遠矣

音註

灑魚略反爲于僞反天音扶下司

陳侯

哀

逃歸音註

自是凡會同無陳

穀梁子曰逃義曰逃逃者匹夫之事上二年諸侯成陳今楚令尹來伐諸侯又救之亦既勤矣為陳侯計者下令國中大夫申敬備立大子以固守親聽命於諸侯謀禦敵之策當是時晉君方明八卿和睦諸侯聽命必能致力於陳矣不此之顧棄儀衛而逃歸此匹夫之事也夫義路也禮門也輕棄中國惟蠻夷之懼故不能由是路出入是門故書逃歸以罪之可謂深切著明矣

丙申

靈王八年晉悼八年齊靈十七衛獻十二蔡景二

七年杞孝二宋平十一秦景十二陳哀

春王正月公如晉

夏葬鄭僖公

鄭人簡侵蔡獲蔡公子災

季孫宿會晉侯鄭伯簡齊人靈宋人平衛人獻

邾人宣于邢丘音註邢丘故邢國今河內平臯縣

扶音

澳古

蘇轍曰晉悼公修文襄之業改命朝聘之數使諸侯之大夫聽命於會大夫稱人衆詞也朝聘之節儉而有禮衆之所安也臣則以為大夫稱人貶之也昔周公戒成王以繼自今我其立政立事夫不自為政而委於臣下是以國之利器示人而不知寶也朝聘事之大者重煩諸侯而使大夫聽命無乃以姑息愛人而不由德乎使政在大夫而諸侯失國又豈所以愛之也後此八年澳梁之會悼公初沒諸侯皆在而大夫獨盟君若贅旒夫豈一朝一夕之故哉故邢丘之事魯公在晉而季孫宿會見魯之失正也諸侯之大夫貶而稱



人謹其始也

公至自晉

莒人比伐我東鄙

秋九月大雩

冬楚公子共貞帥師伐鄭

齊宣王問於孟子交鄰國有道乎孟子曰有惟智者為能以小事大故大王事雋鬻句踐事吳以小事大畏天者也畏天者保其國鄭介大國之間困強楚之令而欲息肩於晉若能信任仁賢明其刑政經畫財賦以禮法自守而親比四鄰必能保其封境荆楚雖大何畏焉而子耳子國加兵於蔡獲公于燹無故怒楚所謂不脩文德而有武功者也楚人來

句音

復扶又反

討不從則力不能敵從之則晉師必至故國人皆喜而子產獨不順焉以晉楚之爭鄭自茲弗得寧矣是以獲公子燹特書侵蔡以罪之而公子貞來伐鄭及楚平不復書矣平而不書以見鄭之屈服於楚而不信也儀牲玉帛待於境上以待強者而請盟其能國乎

晉侯悼使士匄來聘

丁酉

靈王九年晉悼九齊靈十八衛獻十三秦景二

八年鄭簡二曹成十四陳哀五杞孝二宋平十二秦景十二楚共二十七吳壽夢二十二

春宋災

夏季孫宿如晉

五月辛酉夫人姜氏薨音註姜氏成公母

秋八月癸未葬我小君穆姜

冬公會晉侯悼宋公平衛侯獻曹伯成莒子犁

邾子宣滕子成薛伯杞伯小邾子齊世子靈光比

伐鄭簡十有二月己亥同盟于戲音註戲鄭地音義

鄭之見伐於楚子駟欲從楚子展曰小國無信兵亂日至亡無日矣請完守以老楚枝信以待晉其策未為失也而子駟遂及楚盟於是晉師至矣諸侯伐鄭晉人令於列國修器備威餼糧歸老幼居疾于虎牢肆青圍鄭鄭人恐乃行成荀偃曰遂圍之以待楚人之救而與之戰不然無成知罃曰許之盟而還師以救楚吾三分四軍與諸侯之銳以逆來者於我未病楚不能矣猶愈於戰暴骨以逞不可以爭大勞未艾君子勞心小人勞力先王

戲平聲

戊戌

之制也乃許鄭成同盟于戲夫善為國者不師善帥者不陣善陣者不戰知武子明於善陣之法以佐晉悼公屢與諸侯伐鄭楚輒救之而不與之戰楚師遂屈得善勝之道矣故下書蕭魚之會以美之音註父魚廢反

楚子共伐鄭簡

靈王十年晉悼十齊靈十九衛獻十四蔡景二

九年宋平十三秦景十四楚

共二十八吳壽夢二十三

春公會晉侯宋公平衛侯獻曹伯成莒子犁邾子宣滕子成薛伯杞伯小邾子齊世子靈光比

吳于相音註相音查楚地

夏五月甲午遂滅偃陽音註偃陽妘姓國今彭城傳陽縣偃音福

又音逼。此通吳晉往來之道也。

公至自會

楚公子貞鄭公孫輒帥師伐宋

晉師伐秦

秋莒人伐我東鄙

公會晉侯宋公平衛侯獻曹伯成莒子犁邾子

齊世子光靈滕子成薛伯杞伯小邾子伐鄭

音註比悼公三駕之一

冬盜殺鄭公子駢公子發公孫輒音註盜賤者也

者而曰殺三卿鄭之失政甚矣是故書盜自此始

按左氏鄭公子駢當國發為司馬輒為司空駢與尉止有爭及為田洹司氏堵氏侯氏子師氏皆喪田故五族聚群不逞之徒以作亂入西宮殺三卿于朝不稱大夫程氏以為失卿職也卿大夫者國君之陪貳政之本也本強則精神折衝聞有偃息談笑而卻敵國之兵勝千里之難者矣乃至於身不能保而盜得殺之於朝安在其為陪貳乎故削其大夫為當官失職  
音註喪去聲

潮朝音

戊鄭虎牢楚公子貞帥師救鄭音註向也曰虎牢今也曰

鄭虎牢何不繫之鄭者為天下城之也繫之鄭者為鄭戍之也是故楚丘不係之衛緣陵不繫

之杞梁山沙麓不繫之晉皆非一國之辭也。邢  
 鄆鄆繫之紀彭城繫之宋皆一國之辭也。楚  
 數救鄭矣。宣元年為賈二年間椒九年子重十  
 六年楚子十七年子重公子申皆不書。於是始  
 書救鄭以為晉悼復伯楚始救而不能也是故  
 書救陳見晉之終失陳書救鄭見楚之終失鄭  
 爾云

虎牢之地城不繫鄭者責在鄭也。戊而繫鄭  
 者罪諸侯也。曷為責鄭設險所以守國有是  
 險而不能設犧牲玉帛待盟境上使其民人  
 不享土利辛苦墊隘無所底告然後請成故  
 城不繫鄭者責其不能有也。曷為罪諸侯夫  
 鄭人從楚固云不義然中國所以城之者非  
 欲斷荆楚之路為鄭蔽也。駐師阨險以逼之  
 爾至是伐而復戊焉猶前志也。則可謂以義  
 服之乎。故戊而繫鄭者若曰鄭國分地聖諸  
 天子非列國所得專所以罪諸侯也。聖人既

以虎牢還繫於鄭又書楚公子貞帥師救鄭  
 諸侯之罪益明矣。夫以救許楚所以深罪諸  
 侯不能保鄭肆其陵逼曾荆楚之  
 不若也。亦可謂深切著明也哉。

公至自伐鄭

巳亥

靈王十年

十有一年

晉悼十一

齊靈二十

衛獻十五

哀十七

杞孝五

宋平十四

秦景十

吳壽夢二十四

春王正月

作三軍音註

此志三家分公室之始

三軍魯之舊也。古者大國三軍次國二軍小  
 國一軍。魯侯封於曲阜地方數百里天下莫  
 強焉。及僖公時能復周公之宇而史克作頌  
 其詩曰：公車千乘。說者以為大國之賦也。又

日公徒三萬說者以為大國之軍也故知三  
軍魯之舊爾然車而謂之公車則臣下無私  
乘也徒而謂之公徒則臣下無私民也若有  
侵伐諸卿更帥以出事畢則將歸於朝車復  
於甸甲散于丘卒還于邑將皆公家之臣兵  
皆公家之眾不相繫也文宣以來政在私門  
襄公幼弱季氏益張廢公室之三軍而三家  
各有其一季氏盡征焉而舊法亡矣是以謂  
之作其明年季孫宿救台遂入鄆又其後享  
范獻子而公臣不能具三藕民不屬公可知  
矣春秋書其作舍以見昭公失國定公無正  
而兵權不可去公室有天下國家者之所宜  
鑒也

夏四月四卜郊不從乃不郊

鄭公孫舍之帥師侵宋

公會晉侯宋公

平

衛侯

獻

曹伯

成

齊世子光

靈

莒子

犁

邾子

宣

滕子

成

薛伯杞伯小邾子伐鄭

音註

此悼公三  
駕之二

秋七月己未同盟于亳城北公至自伐鄭音註

亳城鄭地  
亳蒲落反

楚子鄭伯伐宋

盟于亳城北鄭服而同盟也尋復從楚伐宋  
故書同盟見其既同而又叛也既同而又叛  
從子展之謀欲致晉師而後與之也故亳之  
盟其載書曰或問茲命明神極之俾失其民  
隊命亡氏蹈其國家雖渝此盟而不顧  
也噫慢鬼神至於此極而盟猶足恃乎

復扶又反  
見音現

公會晉侯宋公衛侯曹伯齊世子光莒子邾子

滕子薛伯杞伯小邾子伐鄭會于蕭魚音註蕭魚

鄭地此悼公三駕之三○伐鄭會于蕭魚序績也○自是鄭不叛晉者二十四年

程氏曰會于蕭魚鄭又服而請會也不書鄭會謂其不可信也而晉悼公推至誠以待人信鄭不疑禮其囚而歸焉納斥候禁侵掠遣叔屏告于諸侯而鄭自此不復背晉者二十四年至共誠之能感人也自悼公能謀於魏絳以息武聽於知武子而不與楚戰故三駕而楚不能與之爭雖城濮之績不越是矣

公至自會

復扶又反  
知去聲

楚人共執鄭行人良霄音註即伯有功孫軌之子

冬秦人伐鄭

春秋胡傳卷之二十一 終



